

सानसेयारि "बड'सा" खरीलाइयाव
स्माज्यादि जिज्जो लोब्बा थानाय रायथाय, खन्थाय,
सल', सल'बाथा आरु बावबायादि थावनि, पार्क
बाइदिनि स्थायाव लिहनाय लिहबिबां दैथाय डर/
सानसेयारि "बड'सा" खरीलाइया खेबखानावै
फोस्वावगोब/
बड'सायाव लिहहरनायनि हुबा खालाम,
"बड'सा" खरी नैथि, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 10 February, 2024 Kokrajhar, BTC, Assam ★ Vol.-33, Issue No.312 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



बासिन मिथिनो थाखाय
स्केन खालाम

मदि सरकारनि गेरेन्टि

रैखाथि खोन्दोआव गाव-गरंथा भारत

गिबिसिन हादतआरि एयारक्राफ्ट केरियार आइएनएस विक्रान्त, लाइट कमपेक्ट एयारक्राफ्ट 'तेजास' आरो लाइट कमपेक्ट हेलिकप्टार 'प्रचन्द' जो लोगोसे गोदान मुगानि हादतआरि रैखाथि आइजें-आइलाआ रैखाथि हान्जाखौ गोहो गोरसिन खालामदों।



गसाइगावआव गोदानै लुनाय आखाइ इसान आरो जि बिफाननि सुपारिन्टेनडेन्टनि मावखुलिखौ बेखेवबाय बिटिआर ओन्सोलाव मोनसेबो रावखौ नेवसिगाराखै : प्रमद बर'

गसाइगाव, 9 फेब्रुवारी: 'दिने नडा, सिगां समनफ्रायनो माब्लाबा बर' राव, माब्लाबा असमीया राव आरो माब्लाबा गुबुन रावखौ नायसबोदों। बेफोर बायदि फावथिनया सिगां समनफ्रायनो सोलिबोदों। नाथाय थार बाधाय जादों आसाम आरो भारतआव गासैबो रावआनो समान मान मोन्नायखौ बयबो नागिरो। बे बाधायखौ बुडे बिटिसिनि गाहाइ मावफुं सोद्रोमा प्रमद बर'आ। दिने कक्राझार जिल्लानि गसाइगाव आखाइ इसान आरो जि बिफाननि



सुप्रिन्टेनडेन्ट मावखुलिनि गोदानै लुनाय बिल्डिनि बेखेवनाय हाबाफारियाव बड'लेण्डआव

असमीया रावखौ नायसनायनि सोमोन्दे खौरंगिरिआ सोंथि सोंनायनि फिन्नायाव प्रमद



बर'आ बुडोदि, भारतनि संबिजिरिआ गासैबो राव, गासैबो हारि-माहारि, धोरमनो समान

मोन्नाय होदों। बेनिनो माखासे रावफोरा गनायथि मोन्दों आरो (5 बिलाइआव)

बिटिआरनि लाइमोन जोलैनि थाखाय अग्निबीरआव थिसन्थायनि आगु फोरोंथाय होनाया जागायजेनबाय

कक्राझार, 9 फेब्रुवारी: अग्निबीरआव थिसन्थायनि आगु फोरोंथाय होना दिनेनिफ्राय जागायजेनो। मख'नो गोनांगि, बिटिआर गोरोबथानि मोनसे दफानि सिडाव गोरोबथानि मुंसायगिरि हान्जा एनडिफबिनि बारग' केडारफोरजों लोगोसे बिटिसिनि लाइमोनफोरखौ रैखाथि हान्जायाव थिसन्थाय होनायनि थांखिजों दिने बिटिसिनि सर कक्राझारआव अग्निबीरआव थिसन्थाय होनो थाखाय बिटिसि खुंथाय आरो भारतआरि रौनिया हान्जानि बान्जायनायाव आगु सायख' सांग्राथियारि आरो काउन्सेलिं हाबाफारि खुंनाय जायो।



कक्राझारनि फालांगि फरायसालिमानि सावराय न'ब्लाडाव अग्निबीरआव थिसन्थायनि फोरोंथाय होनायनि बेखेवनाय हाबाफारियाव गाहाइ आलासि महैर बिटिसिनि गाहाइ मावफुं सोद्रोमा प्रमद बर'आ

बाहागो लायो। गावनि बिबु'थियाव प्रमद बर'आ कक्राझार, टंला, तामुलपुर, चिरंग, गसाइगावआवबो अग्निबीरनि आगु थिसन्थाय सायख' बाद (5 बिलाइआव)

खुंनो गोनां लक सभा बिसायख'थिनि थाखाय थियारि जाबाय: प्रमद बर'



कक्राझार, 9 फेब्रुवारी: 'खुंनो गोनां लक सभा बिसायख'थिनि साखा-फार खालामनाया आबुं जाबाय आरो बिसायख'थिनि दावहा नांनो थाखाय थियारि जाबाय।' बे बाधायखौ बुडे बिटिसिनि गाहाइ मावफुं सोद्रोमा प्रमद बर'। दिने कक्राझारआव खौरं बिजोनि सिगाडव बे बाधायखौ फोरमायनानै (5 बिलाइआव)

उदालगुरियाव बड'लेण्ड इउनिभार्सिटी केम्पास गायसनगोन जायगाखौ इउनिभार्सिटी आरो एबसुनि थान्दै हान्जाया नायगिदिहैदों

उदालगुरि, 9 फेब्रुवारी: गोजों सोलोंथाइ खोन्दोआव उदालगुरि जिल्लानि थाखाय गोजोन्थाव खौरां। उदालगुरियाव गाइसनजानो थांगसिनो दड बड'लेण्ड मुलुग सोलोंसालिनि गोदान केम्पास। दुलाराय बर' फरायसा आफादजों लोगोसे माहारियारि आफादफोरनि मोनसे गोलाव समनि दाबि उदालगुरियाव बड'लेण्ड इउनिभार्सिटी केम्पास गायसनगोननि थाखाय आसाम सरकार खौ नारसिनबोबाय



थादोंमोन। एबसु आरो उदालगुरिनि राइजो-राजाफोरनि

दाबि खालामबोनाय बायदियै उदालगुरियाव बड'लेण्ड मुलुग

केबिनेटआव गनायथिनाय जादों। बेनि लोब्बायै थांनाय बोसोर 2023 नि 31 आगस्ट आरो 4 डिसेम्बर खालाराव एबसु आरो बर' थुनलाइ आफादआ आसामनि गिबि मन्थि आरो सोलोंथाइ मन्थिजों गुवारे सावरायलायनायनि थांखि बायदियै दिने बड'लेण्ड इउनिभार्सिटीनि मोनसे थान्दै हान्जाया बड'लेण्ड मुलुग सोलोंसालिनि उदालगुरि केम्पास गाइसनगोन जायगा (5 बिलाइआव)

गसाइगाव, 9 फेब्रुवारी: गसाइगाव महकु मानि खान्थालगुरि फोनोजाब 127 नं (बि) माहारियारि रजा लामा लुनाय खामानिया सोलिबाय थांनाय समनि गेजेरावो थांनाय हराव गोबारे खारबोनाय 'से डाम्पारनि सोखानायाव ओन्सोलनि गामि बेंग्रा हान्जानि नेहाथारिनि जायगायावो जिउ गोमायो। मिथिनो मोन्नाय बादिब्ला, ग्राहामपुर गामि बेंगिरि (5 बिलाइआव)

गसाइगाव, 9 फेब्रुवारी: गसाइगाव महकु मानि खान्थालगुरि फोनोजाब 127 नं (बि) माहारियारि रजा लामा लुनाय खामानिया सोलिबाय थांनाय समनि गेजेरावो थांनाय हराव गोबारे खारबोनाय 'से डाम्पारनि सोखानायाव ओन्सोलनि गामि बेंग्रा हान्जानि नेहाथारिनि जायगायावो जिउ गोमायो। मिथिनो मोन्नाय बादिब्ला, ग्राहामपुर गामि बेंगिरि (5 बिलाइआव)

गेलेमु आयदायाव बि टि आर हालामनि थाखाय फिन गोजोन्थाव खौरां

आइजोफोरनि आइ लीग-2 नि थाखाय क्वालिफाइ जानो हादों कक्राझार साइ चेन्टारनि आइजो फुटबल हान्जाया

कक्राझार, 9 फेब्रुवारी: बि टि आरनि आइजो फुटबल गलेगिरिफोरा रावनिबो उन जानानै थायाखै। हादतनां थाखोनि आइजोफोरनि फुटबल बादायलायनायाव बाहागो लाहैगोन बि टि आरनि आइजो फुटबल हान्जाया। आइजोफोरनि आइ लीग-2 नि थाखाय (5 बिलाइआव)



सालाकाति दखरा एबिएमसुनि बोसोनगिरि आबुल रहिम चौधुरीनि रूसारि

बासुगाव, 9 फेब्रुवारी: कक्राझार जिल्लानि सिडाव थांनाय सालाकाति दखरा दुलाराइ बड'लेण्ड बाडाइ सानखो फरायसा आफाद (एबिएमसु) आरो सालाकाति जामेमज्जिदिनि बोसोनगिरि आबुल रहिम चौधुरीआ दिने फुंनि समाव रूसारि जायो। गोलाव सम किडमिनि बेरामजों (5 बिलाइआव)

उदालगुरियाव अग्निभिर रौनिया हान्जायाव थिसन्नायनि थाखाय आगु फोरोंथाइ होनाय हाबाफारिया जागायबाय

भारतआरि रौनिया बिफानआव बर'फोरनि साखि मावनायनि अन्जिमाया बाडेब्लानो बर'फोरनि थाखाय आलादा रेजिमेन्ट दाफुंनाय जागोन होन्ना भारत सरकारआ खोथा होदों: सन्जय स्वर्गियारि

उदालगुरि, 9 फेब्रुवारी: बि टि आर गोरोबथानि 10.2 दफा बायदियै बर' लाइमोनफोरखौ रौनिया बिफानआव थिसन्थायनि आगु फोरोंथाय होनाय आरो सांग्राथि हाबाफारि खुंदों। थांनाय 2020 इ माइथायनि 27 जानुवारी खालाराव बर' हारिनि



माहारियारि आफाद एबसु, एन डि एफ बिनि मोनन्ने हान्जा आरो इड बि पि अ' बे आफादफोरजों भारत सरकार आरो आसाम सरकारनि गेजेराव जानानै थांनाय बर'फोरनि थामथि बि टि आर गोजोन गोरोबथानि 10.2 दफानि गेजेरजों बि टि आरनि (5 बिलाइआव)

एबिएमसुनि बारग मावफुं आफादगिरिजों लोगोसे माखासे मावफारियाफोरा इउपिपिएलआव हाबफैदों



कक्राझार, 9 फेब्रुवारी: फँगौ लकसभा बिसायख'थिनि अक्टआ खाथि एबा गुसु जाबोनाय लोगो-लोगोनो सोद्रोमा थिसन्थायाव साखा-फार जादों राजखान्थियारि दोलो

आरो राजखान्थिनि फारसे गोसो गुदुं जानाय सुबुंफोरा। जर'खायै दुलाराय आसाम फरायसा आफाद सुंदयै आसु आरो गुबुन राजखान्थियाव हाबफैदों। मख'नो गोनांदि, आथिखालाव बिटिसिनि खुंथायाव थांनाय (5 बिलाइआव)

गुबुन फरायसा आफादनि माखासे दैदेनगिरिफोर-मावफारिया फरायसा आफादखौ नागरानानै राजखान्थि दोलोयाव हाबफैनायनि उनाव बे खेबाव बड'लेण्डयावबो फरायसा आफादनि दैदेनगिरि-मावफारियाफोरा थोंजोडै राजखान्थियाव हाबफैदों। मख'नो गोनांदि, आथिखालाव बिटिसिनि खुंथायाव थांनाय (5 बिलाइआव)

मिरु आक्रासुआ जनजातिनि मुडाव कचराजबंसिखौ थगायनाय बिजेपिखौ बोखारनो हुमखि होदों



गसाइगाव, 9 फेब्रुवारी: आसामआव कचराजबंसि हरिखौ जनजाति खालामनायनि गोबाव साननि दाबि खालामनाय आयदाखौ बिजेपिआ गोनांथि होयैयाव खुद्रिखानाया फोरमायदों दुलाराय आसाम कचराजबंसि फरायसा आफाद (आक्रासु)आ। बावैसोयाव आसाम आइन आफादनि बाजेट जथुम्मानि (5 बिलाइआव)

सुजुगिरिनि खोलोम

ईशोर फोथायनायाबो सुबुं माहारिनि गोजोन लाबोयो

धोरोमनि बेलायाव बयहाबो उदां सानसि लानानै गावबा-गावनि नेम खांथिजॉं फालिनाय एबा सिबिनाया हालामाव गोजोन लाबोनायाव मदत खालामो। जाय जेखौ फोथायदों बेवहायनो सैथोखौ मोन्दों गोजोन लादों। मुलुगयाव ईशोरखौ जाय जैरिखि मुं दोनानै गाबत्रिया सिबिया मानो थोंजोडै एबा खेंसालियायै लामाया जैरिखि थाड मानो सौहैनाय थांखिया नाथाय मोनसेयानो। बेनिखायनो जायखि जेखि लामाजों हान्थिनानै ईशोरखौ सिबियामानो सौहैगोन जायगायाबो मोनसेयानो।

धोरोमनि बाश्राया रावबो-रावखौबो थांखिनानै एबा मुं सुनानै दुसिलायनायनि बाश्रा फैया। धोरोमा गावबा-गावनि जिउनि गोसो-गोबौनि थाखायसो, गुबुननि थाखाय नडा। गावनि जिउ खांनाय आरो गोजोन जिउमानि थाखायसो सुबुडा धोरोमखौ बोजबो। गुबुननि थाखाय धोरोमखौ सरजाबनानै समाजनि बेले बेजे थासारिखौ फोजोबनो नागारै सुबुंफोरनि गेजेराव आधिखाल मुगानि रं-बेरनि थासारि लाबोनो नाजानायाव दिने गावबा-गाव जिउनि गोजोन सोलेर मोनहोनायनि अनगा रं-खावरिजों गुबुंले खालामनो नाजानायखौ नुनो मोनसै। जायनि बिजाउनाव दिने मुलुगनि दाब-दाब हादतफ्राव धोरोमारि गुलाय-गुजाय जानाय आरो गावबा गावनि धोरोमखौ गुबुननिफ्राय गोजौसिन थाखोयाव दोनो जाहिर खालामनाय गोबां बिदिन्थि दंसे। धोरोमनि मुडव गुबुनखौ सुसिनाय, धोरोमनि मुडव इनाय-अनागारि हाबा मावनाय, धोरोमनि असिला होनानै समाजआव फाराग लाबोनाय आरो गुबुंले थासारि सोमजिहोनाया समाज बेरेखाफोरनि थाखाय एंगारनो हायै हाबा बादिसो नुजालांवाय गुबुन हादतफ्राव।

धोरोम सिबिनाय, धोरोमनि बिथा सोरजिनाय, गुबुन माहारिनि धोरोमखौ गोरलैयैनो आजवावनाय आरो मोनफा धोरोमखौनो बाइदि नेम खांथि बाहायनानै सोलिनाया आधिखाल बहुमाव गोबां दंसे। धोरोमनि बोसोन आरो धोरोमनि ज्ञान सोलौंथायफ्राव मा दं मा गैया बेफोरखौ बुंनागौनि गोनांथि गैया। नाथाय गुबुन गुबुन हादत आरो हारिफ्रा जैरै खौसेयै थामनानै दं बे रोखोमैनो जौनि हादतयाबो गुबुन गुबुन राव, धोरोम, बोरोननिब्लाबो खौसेयैनो थानो हानाय जादों ,बेबादिनो गुबुन गुबुन बियाबयाव गोसारदलानानै थानाय बर'फ्राबो बर' माहारिखौ बहुमाव गोखों आरो गेरमेसा माहारि दानायनि बेलायाव बयबो खौसेयै आखाय हमलायनो सिगांबोनो हायो।

दिनैनि फान्जामुधि

राशि बाइदिथै मुंनि गिबि हांखो

मेघ : अल बुध : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : तर बुशिक : बन धनु : ध भ (ढ फ)
 मकर : ख ज कुम्भ : ग श (स) मीन : द च (ख ञ झ)

- मेघ:** जेखि जाया खामानियावनो गावखौ बावसोमनानै लानांगोन। गोसो हमथानानै सोलिनांगोन।
- बुध:** देहा-सोलेरआव जोखोमफोर मोनबाय बायनो हागौ। जेथिबो सांघां जानानै थानांगोन।
- मिथुन:** माखौबा लानानै गोसो सिडव गिलुं-गिलुं मोनखानो हागौ। गोसोखौ हगारसारो नाडा।
- कर्कट:** बेफार फालांगि मावनायाव जौगानायखौ मोनो हागोन। रंखांथिआव मोजां जागोन।
- सिंह:** जेखियानो बादया देरहासार जानो हागोन। बे राशिनि थाखाय गहाम सान।
- कन्या:** मानिबा थाखाय जिंगा सिनांनो हागौ। गोसोखौ शान्ति मोननाय नडा।
- तुला:** बेराम गोनां सुबुडा सांघां थानांगोन। जैरै दड बे बादिनो थागोन।
- बुशिक:** दुखु-दाहा थानायफोर जोबसांलांनो हागौ। गोजोनायखौ मोनो हागोन। मेजां सान।
- धनु:** मानिबा गोसोआव दुखुफोर मोनानै गाबनांनो हागौ। गोसोखौ हमथा।
- मकर:** हसखौबा माबाफोर मुवा-बेसाद मोनो हागौ। गोजोनाय मोनगोन। मोजां सान।
- कुम्भ:** मानिबा थाखाय रंखावरि खरसा जानो हागौ। गोसोखौ शान्ति मोननाय नडा।
- मीन:** मोजां रंगिथि जानो हानायनि सन्मान मोनो हागोन। जैरैबो गोहो-बोलोखौ मोनो हागोन।

मिरु सरकारा संसदआव हवाइट पेपार दिन्थिदों

गोदान दिल्ली, 9 फेब्रुवारी: मिरुनि बिजेपि सरकारनिफ्राय संसदआव हवाइट पेपार लाबोनाय जादों। बावैसो सिगां सानाव कंग्रेसआ बिजेपिनि हेंथायै ब्लेक पेपार लाबोनायनि उनाव बिजेपिआ हवाइट पेपार लाबोदों। बेयाव फोरमायनाय जादोंदि, इडपिप सरकारनि समाव खैला गेना खांथिजॉं हादतआ बेसेबां खहा जानादों। बे समाव सोदयै गुतखा कम्पानीफोरनोबो लाइसेन्स होदोमोन। बेजों हादरनि आइआ खम जादों आरो एफडिआइआबो दावख्तायदों। मिरुनि रंखांथि मन्थि निर्मला सितारमनआ बुंदोंदि, गावसिनि सरकारा बै जेनाखौ बोसांनानाय 10 बोंसोर सम नादों। गावसिनि सरकारा डिस्ट्रिक्ट मिनारेल फान्ड बानायदों। बेजों 84,000 कौटि रं जुथायनो हादों। सत्तिसादुआव 12,000 कौटि, झारखान्डआव 11,600



कौटि, राजस्तानआव 8,000 कौटि, कर्नाटकआव 4,000 कौटि आरो मेघालयआव 90 कौटि डिस्ट्रिक्ट मिनारेल फान्ड बुधुमनानै मोन्दों। बिजेपि सरकारा खैलाखौ हिरा बानायदों। रंखांथि मन्थिआ कंग्रेस सरकारनि समाव जानाय गुबुन गेना खांथिजॉंबो रायखादों। मिरुनि मन्थिआ बुंदोंदि, 1950 आव मुन्थरा स्केम जादोंमोन, जेराव हरिदास मुन्थरानि कम्पानीयाव एलआइसिखौ 1.26 कौटि रंनि

शेयार बायनो थाखाय नारसिन्दों। बै समाव सरकारनि रंखांथि मन्थिखौ बे केसआव भुगिनांहोदों। सिगां फारसे मिरुनि रंखांथि मन्थिआ बारग' एसबिआइ चियारमेन आरके तवारखौबो रायखादों। बिथाड बुंदों, आरकेआ इमार्जेन्सिनि समाव एसबिआइनि चेयारमेन जादोंमोन। बियो मोनसे जरखा पाटोंनो लन होनो नेवसिदोंमोन। जायनि उनाव बिखौ औरैबायदि जेनायाव खोलैयोदि, आरकेआ चेयारमेन बिबानखौ नागारनो गोनां जायो।

एलआइसिया हादतनि 4थि देरसिन कम्पानी जानो हादों

गोदान दिल्ली, 9 फेब्रुवारी: एलआइसिनि शेयारव गोखै दावखोनायखौ नुनो मोन्दों। बे सप्लाहनि जागायजेनायनिफ्रायनो कम्पानीनि शेयार आवगायनायजों फालांगि खालामगासिनो। बिन्दिनो दिनेबो कम्पानीनि शेयारआ 6 जौखोन्दो दावखोनायजों जागयो। कम्पानीनि स्ट्रकआव दावखोनायनि उनाव कम्पानीनि एम-केपआ 7.01 लाख कौटिखौ बालाडो। बे बायनायनि उनाव आधिखालाव एलआइसिया इन्फिसिखौ उनाव दोनानै टप-4 फर्मनि जायगाखौ आवगिनो हायो। इन्फिसिनि बाजार बेसेना 6.95 लाख कौटि जाबाय। हादतनि टप-1 फर्मआव रिलायन्स इन्डस्ट्रिआ गोजोरै दड। बेनि उनाव टिसिएस आरो एडसिडिएसि बेंकआ जायगा आवगिदों। मख'जाथावदि, एलआइसिया



बुहस्पतिबाराव डिसेम्बरसिमनि 3 दाननि फिथाइखौ फोसावदोंमोन। बेनि बायदिल्ला कम्पानिनि स्ट्रेड एलन नेट प्रिफ्टआव 49 जौखोन्दो बांसिन जादों, जाय 9,444.41 कौटि रं जाहैयो। फारसेथि कम्पानीनि नेट प्रिमियाम इनकामआ 1,17,017 कौटि रं जायो। बेर फारसेथि कम्पानीनि नेट इनकामआ 2,12,447 कौटि रं जायो। बुहस्पतिबाराखालि कम्पानीनि एम-केपआ 6.99 लाख कौटि रंमोन। बेयो हादतनि 5 थि बेसेन गोसासिन कम्पानी जानो हादोंमोन। थानाय 3 दाननि मोजां फिथाइजों लोगोसे कम्पानीया मोनफ्रेम शेयारआव 4 रं डिभिडेन्ड होनो थाखाय फोसावदों।

गासै सहरफोराव पेट्रल डिजेलनि बेसेना आपडेट जादों



गोदान दिल्ली, 9 फेब्रुवारी: 9 फेब्रुवारीखालि हादतनि गासै सहरफोराव पेट्रल डिजेलनि रेटआ आपडेट जायो। बे बेसेनखौ मुलुगयायि कुड अइलनि बेसेनफोरनि सायाव बिथा खालामनानै थि खालामनाय जादों। आधिखालाव कुड अइलनि बेसेनफोराव दावखोलाय-फावसयलाय जानायखौ नुनो मोनो। अब्लाबो थानाय 2022 निफ्राय माहारियारि थाखोयाव पेट्रल डिजेलनि बेसेनाव जेबो सोलायनायखौ नुनो मोननाय जायाखै। दिनेबो हादतनि गासै सहरफोराव पेट्रल डिजेलनि बेसेनखौ दिदोमै थानाय नुनो मोन्दों। बेबायदियाव सोंथि सोमजिदोंदि, गासै सहरफोराव बेसेना मानो रोखोमसे नडा। अदेबानि पेट्रल डिजेलनि सायाव जिएसटिखौ जावसिनाय जायाखै। बेनि सायाव राइज्यो सरकारा टेक्स लागायो। टेक्सनि हारआ दरफोम राइज्योनिया आलादा आलादा जायो। बेनि जाहोनाव मोनफ्रेम सहराव बेनि बेसेनाबो आलादा आलादा जायो। आधिखालाव

हादरगिरि जेलेनस्किआ सांथ्रिनि बिबानगिरि भेलेरि जालुझनिखौ वोख्तायबाय

गोदान दिल्ली, 9 फेब्रुवारी: रासिया आरो इउक्रेनि दावहाया आधिखालावबो सोलिगासिनो दड। दावहा जागायजेनायनिफ्राय दासिम इउक्रेनि हासा सांथ्रि हान्जानि कामान्दार बिबानाव थाबोनाय आलेक्जेन्डर सिस्कीआ गिदिर बिबान मोनो हाबाय। इउक्रेनि हादतगिरि भलडिमिर् जे ले नस्कि आ आलेक्जेन्डर सिस्कीखौ गोब्राब समनि गेजेराव इउक्रेन सांथ्रिनि सिफ एबा गहाइ खालामबाय। हादरगिरि जेलेनस्किजों खाथि सोमोन्दो थानाय सुबुंफोरनि बायदिल्ला, गोजाम कामान्दार भेलेरिखौ बिबाननिफ्राय बोख्तायनायनि गुबै जाहोना फ्लेनिंनि सिमा गोनां जोन्थोरफोरनि बायदियै बांसिने हाबा मावनायमोन। गोदान बिबानगिरि आलेक्जेन्डर सिस्कीनि दैदेन्यायाव इउक्रेनि सांथ्रिफोर फिनन्साथय होआ जासे गावसोखौ रैखा खालामनायाव गोहोखौ बाहायगोन। सिस्कीआ 58 बोंसोर बैसोनि जाबाय आरो बिथानि दैदेन्यायावनो रासिया-इउक्रेन दावहा जागायजेनायाव क्विभरखौ रैखा खालामदोंमोन। हादरगिरि जेलेनस्किआबो गोदान सिफखौ बाख्तायखांबाय।

एएपिआ इन्डियान जुथाइ दोलोनो सेलेन्स होनो थियारि

गोदान दिल्ली, 9 फेब्रुवारी: नितिश कुमारनि इन्डिया जुथाइ दोलोखौ नागारनायनि उनिफ्राय कंग्रेसखौ आधिखालाव साफ्रोमबो लोगो दोलोफोरा नागारनो हमायखौ नुनो मोननाय जादों। ममता आरो अखिलेशनि उनाव आम आदमी पार्टीनि दैदेनगिरि केजरिवालआ कंग्रेसखौ रागा जौनाय नुनो मोन्दों। आम आदमी पार्टीआ गुजरात, हरियाणा आरो गवानि थाखाय लकसभा बिजाथिफोरनि मुं थि खालामनो थाखाय फैगौ 13 फेब्रुवारीयाव गावसोरनि राजखांथि बिथिफोरनि कर्मिदनि जथुमा खालामगोन। पार्टीनि मोनसे सुलुज बेनि खौर होदों। बेनि सिगां इन्डिया जुथाइ दोलो कंग्रेसजों लोगोसे गोलाव सम सिट रान्नायखौ लानानै सावयनायजों गोसो बायनायनि इसारा होना एएपिया थानाय बूहस्पतिबाराखालि आसामाव मोन्थाम लकसभा ओन्सोलफोरनि थाखाय पार्टीनि बिजाथिफोरखौ



फोसावयो। सुलुंनि बायदिल्ला, गुजरात, गवा आरो हरियाणानि थाखाय बिजाथिफोरनि मुं थि खालामनो थाखाय पार्टीनि पिएसिया फैगौ फेब्रुवारीखालि जथुमा खालामगोन। आम आदमी पार्टीनि माहारियारि गहाइ नेहाथारि (फसंथान) संदीप पाठकआ डिब्रुगडनिफ्राय पार्टीनि दैदेनगिरि मनज धनहर, गुवाहाटीनिफ्राय भाभेन चौधुरी आरो सनितपुरनिफ्राय ऋषि राजखौ बिजाथि खालामो। पाठकआ आपनि मावख'याव मोनसे खौरंगिरि जथुमायाव

राबड़ी देबि, मिसा आरो हेमाआ कर्टनिफ्राय रेहाय मोन्दों

गोदान दिल्ली, 9 फेब्रुवारी: हानि बदलै साखि होनाय गेना खांथिथायव थावथाना थानाय बारग' रेल मन्थि आरो बिहारनि बारग' गिबि मन्थि लालु प्रसाद यादबनि नख'नि सोदोमाफोरनो दिल्ली कर्टआ गिदिर रेहाय होदों। दिल्लीनि राजज एधेन्नु कर्टआ लालु प्रसाद यादबनि बिसि आरो बिहारनि बारग' गिबि मन्थि राबडि देबि, बिनि फिसाजोफोर मिसा भारती आरो हेमा यादबनो इन्टेरिम जामिन होदों। बिजिससालिआ विसोर साथामनो 1-1 लाखनि गावयारि जुरिमानायाव जामिन होदों। कर्टआ बे केसनि उनि अक्टखो 28 फेब्रुवारिआव थि खालामदों। बिजिससालिआ बे केसआव दायनिगिरिफोरनो नेमखांथि बायदियै जामिन होनो थाखाय इडिनिफ्राय फिनाय बियो। दिने हियारिनि समाव बारग' गिबि मन्थि



राबडि देबि आरो बिनि फिसाजो मिसा भारतीआ राजज एधेन्नु कर्टआव बाहागो लादों। बे समाव मिसा भारतीआ हुइल सियारजों कर्टआव सौहैदोंमोन। लालु प्रसाद यादब आरो बिनि नख'रनि सायाव दाय जावसिनाय बायदिल्ला, रेलवेआव साखि होनायनि बदलै बिथाडा बिहारआव माखासे सुबुंफोरनि हा-हुफोरखौ बाडाइ बेसेनआव

बिसोरनो रेलवेआव जेबो फोसावथि होयालासे साखि होदों। बे केसआ सोराडाव फैनायनि उनाव सिबिआइआ गिबि नायबिजिससालिआ जागायदोंमोन। सिबिआइनि केस थिसनाय आरो बिनिफ्राय मोननाय फोरमानफोरनि सायाव बिथा खालामनानै उनाव इडिआ गावसोरनि नायबिजिससालिआ जागायनानै कर्टआव अजदलाइ थिसनो। जायनि सायाव शुक्रबारखालि हियारि जानांगौ।

CANCELLATION NOTICE
 No. SSA/Esst/Engagement/Legal/Consultant/718/2023/10299 /
 The advertisement vide No. SSA/Esst/Engagement/Legal/Consultant/718/2023/9874 dated 08.01.2024 for the post of Legal Consultant under PM POSHAN is hereby cancelled.
 Sd/-Mission Director,
 Samagra Shiksha Aom & State Nodal Officer, PM-POSHAN
 Kahilpara, Guwahati-19
 Jansanyog/D26802/23/19-Feb-24

No. NTEP/DTC/K/Quot/Proc Medicine/2023-24/011 Dated 09/02/2024
SHORT NOTICE INVITING TENDER
 Sealed quotation affixing court fee stamps of Rs. 8.25/- (Eight Rupees and Twenty Five Paise only) along with GST Registration Certificate, up to date GST & IT Return, Copy of PAN card, up to date Trade License and Drug License are hereby invited from authorised Wholesale/Retail Drug Dealer for procurement of DSTB CP(A) anti TB drugs. The quotation should be submitted to the office of the undersigned on or before 4:00 P.M. on 16/02/2024. Quotations will be opened on 17/02/2024 at 11:00 A.M. in the office of the Joint Director of Health Services, Kokrajhar.
 The undersigned is not bound to accept the lowest rate with right to accept or reject tender without any reason thereof.
 Details of terms and condition, configuration of the items may be obtained from the office of undersigned.
 Sd/-
 District Programme Officer,
 NTEP, Kokrajhar.
 E-mail: dtsaskjr@mtcp.org

No. TBDB/6th ASFC/41/2022-23/61 Date 09th Feb, 2024
 As per instruction of the Director P & R D, BTC, Kokrajhar, after getting Administrative Approval from Secretary Cum Nodal Officer (FC) under Untied Grant of the 6th Finance Commission to BTC for the year 2022-23, the office of the BDO, Tihu-Barama Dev. Block, invites bids and take steps for initiating in short notice in inviting tender process only from Govt. registered Contractors/Firm of appropriate class with sound financial background fulfilling the eligibility criteria for execution of different work/ schemes as details shown in the particulars in the office board also. Details may be seen at the office notice board / office of the undersigned during office hours.
SHORT NOTICE INVITING TENDER
 Sealed tender affixing a non-refundable court fee stamp of Rs. 8.25 (Rupees Eight & paise twenty five) only eventually to be drawn in APWD, F-2 Form are invited from Govt. registered contractor / Firm of appropriate class with sound financial background fulfilling the eligibility criteria for execution of the different works as details shown in schemes .
 Particulars, Terms & Conditions and tender paper may be obtained from the office of the undersigned on any period mention working day on payment of non refundable Rs. 400.00 (Rupees four hundred) only in cash for each act of tender paper.

Period of collection of Tender documents	To be obtain from the office of the BDO Tihu-Barama on any working days/ hours upto 4.00PM 09/01/2024 from to 01/03/2024			
Last date and time for submission offer	Sealed tenders in prescribed format for every individual work will be received by the office upto 2.00 Noon on 01/03/2024			
Date & time of opening of tender	The sealed tenders will be opened at 2.30 PM on 01/03/2024			
Name of Works	Sl. No.	Name of Schemes	Approx. Value of Work (Rs.)	Earnest Money (1% For SC/ ST(2% for others) Time of Completion
	1	"Construction of Crematorium at Dolbari Gergemakha Village" under Untied Grant of the 6 th ASFC 2022-23	Rs. 19,04,809.00	Rs.19,048.00 180 days
Approx (Estimated) Value of the work	Shown in the Scheme list			
Earnest Money	The Contractors / Farms have to enclosed 2 % Earnest money (1% of tender value ST/SC) with the tender paper as shown in the Scheme list. An amount of 0.03% will be submitted in Bank Draft in Favour Principal Secretary BTC, Kokrajhar.			
Time of Completion	Shown in the Scheme list			
Eligibility criteria(Minimum)	The Contractor should have the experience of having successfully completed similar works during the last 5 years.			

The tender / tenders must be submitted with the requisite Earnest Money Deposit (EMD)in the form of deposit at call / Demand Draft to be drawn in favour of the BDO, Tihu-Barama Dev. Block payable at Barama. Tender not accompanied by the Earnest Money & Tender Cost is liable to be rejected.
 Sealed tender in the prescribed tender form shall be addressed to the Block Dev. Officer Cum Chairman, Tender Committee, Tihu - Barama Dev. Block, Barama, Dist. Baksa, P.S.Barama, PIN-781346, Assam. Tender received after above date & time will not be accepted. The undersigned reserve the right to issue the tender papers to the tenderers and to accept or reject/ cancel any or all the tenders if the situation compel to do so without assigning any reason thereof and DOES NOT BIND HIMSELF TO ACCEPT THE LOWEST QUOTED RATE OF TENDER.
 UNSEALED TENDER WILL SUMMERILY BE REJECTED.
 Sd/-
 Block Development Officer,
 Tihu-Barama Dev. Block, Barama
 IPR(BTC)-2023-24/1342

सुबुडा फिसिनो हायै आरो आर्थिसिडव दोन्नो हायै गिख्रंथाव मोनसे रोखोमनि जुनात

मुलुगआव माखासे गिख्रंथाव जुनातफोर दड। बेफोरनि गेजेरावबो गोबांखोन्नो सुबुडा गावनि सोलो आरो गोहोजो सामलायनो हानाय जानानै फेदो। अरनबारनि गिख्रंथाव जुनात मोसा, सिंह, लखाफोरखोन्नो आर्थिखालाव सुबुफोरा न'आव लाबोन्नो फिसिफेदो। नाथाय गोबां सुबुफोरनो मिथियादि, हाग्रानि बबेबा मोनसे जुनात दासिमबो सुबुनि खाथियाव गंगलायाखै। गोबां नाजानायनि उनावबो सुबुडा बे जुनातखो गावनि सिडव दोन्नो हायाखै। हाग्रानि बे मोनसे जुनातखो सुबुडा माब्लाबाबो फिसिफेदो हायाखै। अदेबानि बे जुनातखो माखासे हलिउड आरो बलिउड सावथुनफोरव नुनो मोन्नाय जायो। माब्लाबा पिसास महराव आरो माब्लाबा गिख्रंथाव दावनि महराव बेखो नुनो मोन्दो। इटलीयान 'दा सिटि आफ गड' नि लिगिरिआ बे जिउनांखो सासे सुरेल एबा दायनिजो रूजो। बे सुबुजो सामलायजायि गिख्रंथाव तुनातआनो जादो-भेरिया एबा सियाल हारिनि मोनसे गिख्रंथाव जुनात। हाग्रानि जिब-जुनात जरखागिरि स्वप्लिन कताला थानाय 22



बोसोरनिफ्रायनो भारतनि हाग्राबारिफोराव हाग्रानि जुनातफोरनि सायाव नायबिजिरदो। बियो गोबां खेब गिख्रंथाव जिबफोरजो मोगा-मोगि जानांदो। माब्लाबानि समाव जिउखो लानानैबो खैफोदजो जुजिनांदो। नाथाय बियो खेबफोरमबो गावनि जिउखो रैखा खालामनायाव जाफुंसारनो हादो। स्वप्लिनआ जुनातफोरनि जाय हान्जाखो गिख्रंथावसिन होन्ना गनायो। बेनो जादो भेरिया। सुबुफोर गोबां नाजानानैबो बेखो खाबुआव खालामनो हायाखै। बे जुनातआ हान्जायाव थायो, गावसिनि नख 'रखो जोबोर जोथोन लायो। बेफोरनि

हान्जायाव देरसिनखो मान होनाय आरो गनायनाय जायो। बुनो थाडोब्ला सुबुफोर बायदिनो भेरियानि हान्जायावबो देरसिनखो मान होयो। मख 'जाथावदि, मासे बैसो गोर भेरियाआ 42 हाथाय थायो। बेनि हाथायआ ओरैबायदि गोखोदि, गिदिर गिदिर हाराफोरखोन्नो गोरलैयो अखुबनो हायो। सावथुनफोरव नुनो मोन्नाय बांसिन भेरियाआ साइबेरियान आरो बेफोरो सैमानिफ्राय गोबां गिदिरसिन जायो। बेनि गासै मोदोमाव रोजा खोमोन थायो। नाथाय भारतआव जाय भेरियाफोरखो मोन्नाय जायो बेयो सैमाफोर

बायदिनो। बेनि दाथाय एबा गिदिरआ सैमाजो समानफ्राम आरो सोलेरावबो गोबां खम खोमोन थायो। बिहारनि सोनाब संपारन जिल्लानि टाइगर रिजार्भ फरेस्टआवबो माखासे भेरियाफोरखो मोन्नाय जायो। मुलुगनि गेजेरावबो भारतआरि भेरियाफोरनि जारिमिना गोजामसिन। नाथाय आर्थिखालाव बेफोर गोमा लानायनि लामायाव सौफेबाय बेनि जाहोनावनो बे जुनातखो भारतआरि हाग्रानि जिब सैरैखाथि बिथोनमानि गेजेरजो बुहुमनिफ्राय गोमालानो नागिरनाय जुनातफोरनि थाखोआव दोन्नाय जादो।

रांखान्थिनि थाखाय मिस्रआ गावनि समाइना बाहागोखो फान्नो गोनां जाबाय



गोदान दिल्ली, 9 फेब्रुवारी: भारतनि न'सुसे हादर पाकिस्ताननि उनाव दस्सेबाव मुस्लिम हादतआ आंखालनि खैफोदआव गोरलैदो। बे हादतआवबो रांखान्थिनि गोखो आंखाल नुजाथिदो। बे मुस्लिम हादतआ गावनि मोनसे जोबोर समाइना जायगाखो इउएइनो फान्नो गोनां जादो। आंखालाव गोरलैनाय सुस्लिम हादतआ

गावनि दस्से सहरखो आबुडै एउएइनि इन्भेस्टारफोरनो गथायसिगोन। खौरानि बायदिल्ला, हादरनि रांखान्थिनि थाखाय गावनि समाइना सहरखो फान्नो गोनां जानाय आंखालजो भुगिनांनय हादतआ जादो मिस्र (इजिप्ट) बेयो 22 आरब डलारआव गावनि भुमध्य लैथोआव थानाय समाइना गामि रास अल हिकमाखो इउएइनो

होनो नागिरबाय। बे गामिआ गावनि समाइना बोरिमानि थाखाय मुंदांखा आरो बेनि जाहोनाव बेखो बुहुमनि सोर्गो होन्ना बुनाय जायो। मिस्रनि हादतगिरि आबदेल पाटेह अल सिसिनि बे थांखि लानायनि हेंथायै गासै हादतआव बेरेखा खुदिसारनाया जागायदो। गोब्राव रांखान्थिनि जेनाजो

भुगिनांनय मिस्रआ गुबुन हादतयारि रांखान्थिनि जोबोर गोनांथि जानानै दड। बेनिखायनो बेयो गावनि जोबोर समाइना गामिखो इउएइनि इन्भेस्टारफोरनो गथायनो सिगांदो। बे रदायखो मिस्रनि सासे बिबानगिरिआ मिथिहोदो। बिबानगिरिआ बुंदोदि, इउएइनि इन्भेस्टारफोर मुलुगदांखा समाइना गामि रास अल हिकमाखो बायनो गनायथिदो। बे गामिआ भुमध्य लैथोआव मिस्रनि सा-सोनाब बोरिमायाव दड। बेखो सिगाइवबो फान्नो नाजानाय जादोमोन। बै समावबो गोबां सोंखारिनाय जादोमोन। सावरायगिरिफोरनि बायदिल्ला बे रदाया जाफुंसारनि उनाव आंगो समाइना बोरिमा गामिनिफ्राय मिस्रनि मन्थाइ एबा सामलायथाया जोबथागोन।

काश्मीरी आइजोआ आमेरिकान संसदिनि बिसायख 'थि बादायगोन

वाशिंग्टन, 9 फेब्रुवारी: सोलिफु बोसोरनि फेगो 5 नभेम्बरआव आमेरिकायाव बिसायख 'थिआ खुंजागोन। आमेरिकान बिसायख 'थिआव भारतआबो गोखो नोजोर होनानै दड। मानोना आमेरिकायाव गोबां बिबाडाव भारतयारि फोलेरनि सुबुफोर थायो। बेराफार्स भारतयारि फोलेरिफोरय बैयावनि राजखान्थियाव सांप्राडे दड। बेनि गेजेरावबो डेमक्रेटिक पार्टिजो लोब्बा गोनां भारतयारि आइजो क्रिस्टल कौलआ संसदिनि बिसायख 'थि बादायनो साखा-फारा जादो। थानाय बोसोरनि डिसेम्बरआव बिथाडा बिसायख 'थिनि फोथारआव ओंखारनायनि थांखि लादोमोन। बिसायख 'थि आयगआबो बिथानो बिसायख 'थि बादायनो थाखाय गनायथि होबाय। मख 'जाथावदि, क्रिस्टलनि



बिफाया काश्मीरी पन्डित। अदेबानि क्रिस्टलनि जोनोमआ निउयर्कआव जादोमोन। बिथानि बिफाया 26 बोसोर बैसोआवनो आमेरिकायाव थाहैदो। क्रिस्टलनि बिमाया दिल्लीनि थागिबि आरो बिबो 7 बोसोर बैसोआवनो बिमा-बिपाजो आमेरिकायाव थाहैदोमोन। भारतयारि फोलेरनि क्रिस्टलआ आमेरिकान

इउनिभासिदिनिफ्राय बिए, ब्राउन इउनिभासिदिनि आरो जन्स हपकिन्स इउनिभासिदिनिफ्राय एमए सोलौंथाय लादो। बेनि उनाव ब्राउन इउनिभासिदिनिफ्राय पलिटिके ल साइन्सआव पिप्लसडि खालामदो। जर'खा बाश्रादि, क्रिस्टलआ मोन 8 रवफोरनि बागै गियान गोनां। क्रिस्टल कौलआ

भाजिनियानिफ्राय बिसायख 'थि बादायगो। भाजिनियाआव 18 जुनआव बिसायख 'थि जागोन आरो डेमक्रेटिक पार्टिनिफ्राय क्रिस्टलआ बिसायख 'थि बादायनो हागो। भाजिनियाआव 16 जौखोन्दो एसियायन हादरफोरनि सुबुं थाहैनाय दड। बेराफार्स 10 जौखोन्दो भारतयारि-आमेरिकान दड।

रंजालि गथ'फोरनि सौरा

गोरोबनै खन्थाइ

सुबुनि जिउवाव दाहाया हरदम बिलियाव जोबखाया

बिदि सानस्त्रिनानै जायनो गोसोखो हागोन बुरखायनो

दाहा दिखारा नारसेबनो हानाय नड बिनियावनो

जायोबा जिंगा सानस्त्रिफोर सोदोबा फैथारा भर भर

हिंसा मोनसानि सानस्त्रिनाय बेयावहाय गैया गोजोननाय

लोगो जानानै मा जानो हायाबा खामानि मावनो

बयनोबो सुखुनि निजोरा नाड होननानै बुंथारा

समाव गोरबोनि मिजिनय जानाडे सिमानि सैनाय

-रैदोम बर',
माजदिद्या, बगुलामारि,
बाक्सा

सिमानि अनजालु

सोर नो अनजालु रजे

साया माया आंजो अराय गेलेफैयो

नाथाय सिमांआव ल मोकथांआव

मोना मानो नोखो।

सानो आं नोजो लोगोसे जिरायना

फोरमायनो गोसोनि खोथा

गोदै रावजो।

नोनि जारौ गुस्थिनि मिनिखेरो

मिनिनाइआव जायो आदि बेसे

बोदोर बावलि।

हास्थायो आं नोखो अराय

मोननो मोकथांआव

फैमाल नाथाय साननाया आंनि

खालामबाय अनजालु नो आंखो

अरायबो सिमानि फागोलि।

मिस मिजि रानी नार्जोरी

फरायसालि-कराझार गार्ल्स एड्स एस स्कुल

गामि: गाग्रगुरि

लिमारिक

(1)

आगै रना नो बेसे समायना!

नो आंनावनो खारस'न फैगोना?

आंबोथ' लागोना देग्लायनोखा,

नोबोथ' बनि थाखेनो फाग्लिखा।

(2)

आंनि गोसो थोनाय अनजालिया जाबायनो सोरजोबा,

बेखो सानै-सानैनो जावलिया जालायबाय आंबो जाम्बा-जाम्बा।

आंहाबोसो गैया नालाय गंसेबो साइकेल, मटर-गारि,

आथा-विथा जाम्बिया खेबसेल' गाखोनो मोननायखोनो गारि।

(3)

बुडे आंखो लोगोफ्रा मैथा खवब्ला,

नुनायावबोसो आंनि महरा गुरब्ला-ब्ला।

जाबाय नालाय आंबो सासे सेंग्रा मोल्दा,

गोसो थोनायावबोसो गर'न्थ' गैथै जानल्दा-मोनल्दा।

(4)

जो लागोनिलाइ सेंग्रा मोल्दाफोर,

एदावनाय-जंखायनाय दा-जुजि नोसोर सिख्लाफोर,।

हाया-हाखायाबो, रावबो हाखाया जो-जो,

थाबायनाय सासेबो सिख्लाफोरानो बारग'आ जोनि लामा सेराजो।

(5)

गोसो थोनाय बेरामालाइनो गानो रोडै बेराम,

गोसो थोलायग्राफ्रा बेखोनो सानो जोबोद आराम।

बुजिनानै, मिथिनानै आरो सानानै नोसोर लाखा,

नडब्ला मोनजागोनबो मोजां-मोननायनि फिथायाबो गोखा।

अटुल राज नार्जोरी
थाखो-कलेज
गामि-जाम्बुगुरी।

गोसो थोनाया मा ?

नुफा माफा नुसै बनि महरखो

जेरावखि थाया साया माया,

बुजि मोना आंबो

मानि माया बेलाय ?

आंनि मेगनआवल' बनि महर

जाखोफैयो नामा अराय सम,

जानाय, लोनाय, उन्दुनाय

सिमां मोकथां जेरावखि थाया।

आंनावल' ? ना गुबुननावबो,

नड नड बे जानो हाया

जोनोमाव बयहाबो जिउनि

बुनो सासे थायो।

आंनि मेगनावल' बेयो नड,

बयनिबो मेगनाव बिब्दो

जिउनि अनजालु अनजालिनि महर मुश्री।

बुजि मोना आं

गोसो थोनाया मा ?

मिस पडमिनि नार्जोरी

फरायसालि-के.जि. एड्स एस स्कुल

थाखो-स्त्रि (7)

गामि-काकर मारी

अननायनि दौले

जोनोमनि नैबे थांजासिम होनानै,

सानदोमोन आं गोजोनै थानो हागोन,

गैया नाथाय आंहा गोजोन।

अननाय मोजां मोननाय दंब्बाबो,

दुखु दाहानि गेजेरजोसो।

जिउनि लाइमोन बैसोआवनो

होफ्लांबाय आं नोन्नो अननायनि दौले।

लांनबाय आं दुखु दाहा

गोरबो सिंनिफ्राय बोहैनाय

जिरि जिरि मोदैनि निजोरा

राहा गैया हमथा हानो आंहा।

आंनि मेगननिफ्राय बोहैनाय मोदैआ,

जानांगो अननायनि रूंगु गैथै लैथोनिखा।

दड अननायनि मिजिनि सायाव आंहा,

हेंथा हिंसि दावराव दावसि दुखु-दाहा।

रंजानाय मिनिनाय गैया आंहा,

हांमा हांसांनि गेजेरजोसो मिजिं दं.

आंनि लायमोन बैसोखो बिदाय हरनो,

अब्ला हरनाय मोननाय नडमोन।

गोरबोयाव बोहैनाय नडमोन मोदैनि निजिरा

अननायनि गोदै रावा जाफुडेब्ला मिजिनि

सायाव,

मोनगोमोन दिने सुबुनिफ्राइ बाखोनायनाय,

गोरबोयाव बोहैगोमोन सुखुनि मोदै।

समेन नार्जोरी

जोमा बड फरायसालि

प.अ. - फाटगाव

दिवाना

हाय! अनजालि नोनि हायना

महरा खावना लांबाय आंनि

आजोला गोसोखो,

दिवाना जाबाय आं नोखो

जीउनि लामायाव लोगो मोनानै।

फैलाव हायेननि गेजेराव गेवलां

महरै बारखोमाना थानाय नो

बारसे समायना गलाब बिबार।

मा' एसेबां हायना गोनां स'ना

नोनि महरा, मा एसेबां मुहिनि

गोनां नोनि गोदै रावआ।

जाना थाबाय अनजालि नोनि

महरा' आंनि गोरबो इसियाव

आरयनि थाखाय गोमोर रोडै

थाज महल जाना।

नोखोदि आं बेसेबांवा मोजां मोनबाय-

स'रि-सरि- चुपके- चुपके जालांबाय आं

दिल तो पागल है।

आजोला बैसोनि आलासि जीउयाबो

नोखो लानानै जालांबाय दिवाना!!!

बिसारसिं बसुमतारी

जन'ता कलेज सेरफांगुरि

थाखो-आरिमु जालिया (1 थि बोसोर)

गामि-पाटगाव (उलुबारि)

उरां जाहाज टिकेटनि बेसेनखौं थि खालामनो संसदआरि समिटिआ खावलायदों

गोदान दिल्ली, 9 फेब्रुवारी: सरासनस्यारै फोबोनि सिजन जागायनायनि सिगां उरांजों दावबायनाया एबा बेनि टिकेटआ बेसेन गोसा जायो। बेनि जाहोनाव सरासनस्य सुबुंफोरा माखासे जेनाफोरजों मोगा-मोगि जानाडे। बे जेनाखौं लानानै संसदआरि पेनेलआ उरां जाहाजफोरनि टिकेट एबा भारनि सायाव स्पेसिएल कार्पिनि बिथांखि दिन्थिदों। उरां फोरनि टिकेट बेसेनखौं सामलायनो थाखाय संसदआरि समिटिआ मोनसे आलादा इन्डिट गायसन्नायनि यजन बानायदों। अदेबानि उरां टिकेटनि बेसेनखौं लानानै नोगोरारि उरां मावख निफ्राय



जेबो थि थांखि लानाय जायाखे होन्ना समिटिआ फोरमायदों। बृहस्पतिवार खालि संसदआरि अरायथा समिटिआ हान्था-मेला, दावबायनाय (टरिज्म) आरौ हारिमुनि सायाव मोनसे रिपर्ट दिन्थिदों। बे रिपर्टआव समिटिआ

उरां टिकेटनि भागखौं थि खालामना होनाय बायदि आयदाफोरनि सायाव अजद आरौ बिबुंथि दिन्थियो। समिटिआ मोनसे बानबुंथि होनाये बुडोदि, जायनि बायदिदिये डिजिसिएहा फ्लाइट टेक्सफोरखौं नेमखान्थियारि खालामनायनि

मोन्थाय दड। फारसेथि सरकारहा उरांनि भागखौं थि खालामनायनि मोन्थाय गैया एबा खालामनो हाया। लोगोसेनो संसदआरि समिटिआ सुवननो होदोंदि, उरां जाहाजनि भागखौं सामलायनायनि थाखाय मोनसे आलादा अफाद दानायनि गोनांथि दड। बेफोरनि अनगायै समिटिआ गावनि रिपर्टआव बुंवावोदि, एयारलाइन्स आरौ ग्राहकफोरनि हितफोरखौंनो नोजोर लाखिनांगो। लोगोसेनो समिटिआ जान्थानि हिसाबे भागखौं थि खालामनो बोसोन होयो। एयार लाइन्सआ टेक्स अटरिटी आरौ फालागियारि हितफोरखौं हागाइ नोजोर होनांगो होनाबो बुंदों।

भारतआ मेगा टै सान्थियारि हुदा मिलनखौं दैदेनगोन

गोदान दिल्ली, 9 फेब्रुवारी: गोजा लैथोआव बांबोनाय रेखाथियारि जेनाफोर आरौ दिदोम गैयै हा सा राजखान्थियारि थासारिनि गेजेशव भारतआ फेगो 19 फेब्रुवारिनिफ्राय मेगा टै सान्थि हुदा मिलनखौं दैदेनगोन। भिशाखापत्तनमआव खुंनो गोनां बे दावहानि हुदायाव दर 50 हादरफोरनि टै सान्थिफोरा बाहागोरारि जानो हागो। मिलनआ नै बोसोरारि मोनसे जुथाय हादरयारि दै सान्थिनि हुदा। बेखौं 1995 माइथायाव भारनि लुक इस्टनि खान्थि बादिदै



इन्डनेसिया, सिंगापुर, श्रीलंका आरौ थाइलेण्डनि शेयारिआव जयै जागायनाय जादोंमोन। हाबांर चरणआव हारिमुफोरखौं शेयार खालामनायनि थाखाय

इन्टरनेसनेल असिन सेमिनार, इन्टारनेसनेल टाउन पेरेड, लैथोमायारि दिन्थिफुनाय आरौ गुबुन गुबुन स्पर्ट प्रग्राम खुनाय जागोन। बेराफारि लैथोमा

खोलोबआव भारतयारि दै सान्थिनि उरां आरौ गुबुन फसंथानफोर लोगो हादरफोरनि उरांफोर आरौ जाहाजफोरजों लोगोसे बाहागो लागोन। बेयाव माखासे दावहायारि हुदा, जौगाखां अखां रेखाथि अभियार, साबमेरिन होबथा दावहारु गाथोन आरौ हा सानि होबथाग्रा अपोरेसन खालामनाय जागोन। मिलन हुदाया भारत लैथोमा ओन्सोलाव लैथोमा मदद आरौ रेखाथिखौं बांहोनारनि बिथिखव भारनि बिबान लानायखौं दिन्थियो।

(1 बिलाइनिफ्राय)

गसाइगावआव गोदानै लुनाय आखाइ इसान आरौ जि बिफाननि सुप्रिटिनडेन्टनि मावखुलिखौं ...

माखासे रवफोर दासिमबो गनायथि मोनो हायाखे। बिथाड असमोया रवआवनो बुंदों होन्ना फोरमायनानै माब्लाबा माबा मोनसे बिबानगिरि एबा मावफारियाआ माबा मोनसे जाहोनाव गोरोन्थिये फिरफलांनो हायोब्ला बेखौं सोदांफिनो हायो। बेनि ओंथिया बवेबा रवखौं नायसनाय जाया होन्ना मख 'नानै बिटिआर ओन्सोलाव बर', असमोयास बेंगलि, नेपालि, साउताल रवखौं रवबो नासयाखे होन्नाबे बिथाड बुडे। बिथाड बुडेदि, बिपिएफनि समाव फरायसालिफोरार बडाइ दानबान्थायाव रावनि फोरोंगिरि लाखिदोंमोनब्लाबो बे फोरोंगिरिफोरनि दानबान्था बांहोनो थांखि लानाय जादों जाहाते फरायसाफोर गावनि बिमा रवआवनो सोलोंथाइ लानो हायो। बेनि अनगायैबो बिटिआर ओन्सोलनि आखाइ इसान आरौ जि बिथिड सिगानिखूइ दावगासिदों होन्नाबे प्रमद बर'आ बुडे। बिटिआर ओन्सोलाव 3 लाख जि दाग्राफोरनि फोरोंथायनि थाखाय दासान्दि बिफाननि मावखुलिफोरनि लुफुंथाय फोजौखानायजों लोगोसे गं 16 गोदान फोरोंथाय मिरु लुननायनि खामानियाबो आबुं जाबाय होन्नाबे प्रमद बर'आ बुडे।

बिटिआरनि आखाइ इसान आरौ जि बिफाननि सि एड्स डि हेमेन नाथआ दैदेन्याय हाबाफारियाव बिफाननि मावफउं सोद्रोमा धनन्जय बसुमतारि, एमसिएए सजल सिंह, बिफाननि जउन्त सेक्रेटारि रविम बुडुगाहाइ, गसाइगाव महकुमा खुंथायनि लोगो कमिसनार अमृता दत्त, गसाइगाव नोगोर आफादिनि मासिगिरि प्रफुल्ला इस्लारी, कक्राझार आखाइ इसान दिहुन्थाय मिरुनि सुप्रिटिनडेन्ट हिन्स्य देबि, बिफाननि गसाइगावनि सुप्रिटिनडेन्ट चन्दन दासजों लोगोसे माखासे गागि सुबुंफोरा आलासि महरै बाहागो लायो। मख 'नो गोनांदि, 2021-22 माइथायनि एसएफिडनि 2 कौटि 85 लाख रं बाहायनानै आखाइ इसान आरौ जि बिफाननि सुप्रिटिनडेन्ट मावखुलिनि थाम खोलोब गोनां बिल्डिंखौं लुनाय जादों।

गसाइगावनि खान्थालगुरिआव गिखंथाव लामानि जाब्रबथायजों सासे सुबुंनि जिउ गोमादों

हान्जानि नेहाथारि आरौ इसमाइल हेमब्रमनि फिसान्ला सेमियन हेमब्रम (35) आ गावनि मावबिबानखौं फोजोबनानै गावनि न' फारि थांबाय थानाय समावनो गोबांर खारबोनाय अन्थाइ रोगानाय डाम्पारआ सौखंलाडे।

जाउनाव खर'आव जोखेम जानानै सेमियन हेमब्रमनि जायगायावनो जिउ गोमायो। गुबुन फारिंथि जाब्लबथाय खालामनाय डाम्पारआ जाथायथिलिनिफ्राय खारखुमा लाडे। जाथायथिलियाव ओन्सोलनि राइजो-राजाफोरा नुजाथिहैनानै जाब्रबथाय खालामनाय डाम्पार आरौ गारि सालायगिरिखौं थाबेनो हमनानै गोखों साजा होनांगो दाबि दैखानानै दुंहाव थासारि सोमजिहोयो। उनाव पुर्निस हान्जान्या जाथायथिलियाव नुजाथिहैनानै गोथे सहखौं बोखानानै पस्ट मटेंम आन्जादिन थाखाय दैथायहरो।

गुबुन फारिंथि, हरावनो जाथायथिलियाव बिटिसिनि मावफुं सोद्रोमा उइलसन हासदाआ नुजाथिहैनानै जाथायनि सायाव सुलु लानायजों लोगोसे दुखुथिया नख 'रनिंसिम समानै दुखु मोनफानाय फोरमायहैयो। मख 'नो गोनांदि, आसाम-सोनाब बंग सिमनानि शंकस देमानिफ्राय अन्थाइ रोगानाय डाम्पारफोर सानफ्रोमबो लुनाय खामानि सोलिबाय थानाय माहारियारि राजा लामाजों गोबांर थांनय-फैलाय खालामो। श्रीरामपुर जानानै धुबुरी फारिं गेब्रे थांलाय-फैलाय खालामनायनि जाउनाव गोबां लामानि जाब्रबथाय सोमजिदों।

आथिखालाव हान्था मेला बिफाना डाम्पारफोरखौं दहथायनायनि बिथिखव फेलें जानायनि जाउनावनो बे गोदानै लुनाय माहारियारि राजा लामाजों सानफ्रोमबो लामानि जाब्रबथाय जानानै गोबां सुबुंफोरा जिउ खोमानो गोनां जादों होन्नाबे ओन्सोलनि राइजो-राजाफोरा अजद दैखंदों।

उदालगुरियाव अग्निभिर रौनिया हान्जायाव थिसन्नायनि थाखाय आगु फोरोंथाइ होनाय...

सिखव थानाय गोसो गुदुं बर' लाइमोनफोरखौं भारतआरि रौनिया बिफान इन्डियान आरि, पेराभिलिटारी आरौ पुलिस बिफानाव थिसन्नायनि गेजेरजों हादतनि थाखाय खामानि मावनो हानाय बायदिदै गोरोबथायाव मख 'नाय दफा बादि आगु फोरोंथाय बाद होनाय हाबाफारिया दिनेनिफ्राय बि टि आरनि गं 5 जिल्लायव जागायनाय बायदिदैयो उदालगुरि जिल्लानि सिखव थानाय टंला जौमा फरायसालियावबो आग्निपत स्कीमनि गेजेरजों इन्डियान आरिमनि आग्निभिरआव थिसन्नायनि थाखाय बर' लाइमोनफोरखौं आगु फोरोंथाय होनो मुं थिसनलाइ खालामनाय हाबाफारिया दिनेनिफ्राय जागायबाय।

उदालगुरि सोलोंथाइ खोन्दोनि आइ एस जयपालसिं ब्रह्मनि मासि लानानै सामलायनाय दिनेनि बे सांग्राथियारि हाबाफारियाव भारतआरि रौनिया बिफाननि कर्नेल भिजय प्रेदिक्, एम सि एल ए सन्जय स्वर्गियारी, दिलिप कुमार बर' आरौ जिल्लानि सिखव थानाय गोबां लाइमोनफोरखौंबो दिनेनि बे बुब्लियाव लोब-लोब फेना बाहागो लाफेनायखौं नुनो मोन्नाय जादों। बर' हारिनि माखासे माहारियारि आफाद आरौ बि टि आर गोजोन गोरोबथा खालामनाय आफादिन दैदेनगिरि आरौ भारत सरकारनि मावफारियाफोरजों जथायै सावरायलायनायनि गेजेराव बर' हारिया सिगानिफ्रायनो साफा-साफा दावहारु महरै गावखौं सिनायथि होबोनाय जारिमिनखौं बिथा खालामनाय सरकारनिंसिम बर' हारिनि थाखाय आलादा बर' रिजिमेन्ट दाफुंनंगोननि दाबि दिखंनानाय भारत सरकारनि फारसेनिफ्राय भारतआरि रौनिया बिफानाव बर' लाइमोनफोरनि साखि मावनायनि अन्जिमाया बाडेब्लानो आलादा बर' हारिनि थाखाय रेजिमेन्ट दाफुंनयनि बाथा होदों होन्नाबे भारत सरकारनि फारसेनिफ्राय खोथा होनाय जादों होन्नाबे बुंथियो हरिसिंगा बियाबनि एम सि एल ए सन्जय स्वर्गियारीआ।

लोगोसे बिथां स्वर्गियारीया बर' हारिनि लाइमोनफोरखौं बिथा खालामनानै बुंदोंदि, इउ पि, बिहार, पान्जाब बायदि राइज्योफोराव फोलेरफारियै रौनिया बिफानाव साफानि उनाव साफा थिसनथाइ लानानै जेरै बायदिदै हादतनि थाखाय गावखौं बावसोमनानै खामानि मावदों जौनि बर' हारिनि गेजेराव बेफोर बायदि थासारिया सिगां समनिफ्रायनो गैथिनि जाहोनाव बेफोर बायदि खाबुखौं लानाया जोबोर खम अब्लाबो दिनेनि सानआव माजबाव, खैराबारि, बेरगाव, टंला, हरिसिंगा, उदालगुरि, कलाइगाव रौटा, बायदि बायदि ओन्सोलनिफ्राय गोबां बर' लाइमोन सेंग्रा सिखलाफोरा दिनेनि सानआव बे हाबाफारियावनो लोब-लोब फेना खाबुखौं लानो थाखाय आवगाय बोदों होन्ना गावनि बेसेनगोसा बिबुंथियाव गुवारै बुंफोरना होयो।

(1 बिलाइनिफ्राय)

खुंनो गोनां लक सभा बिसायख थिनि थाखाय थियारि..

दनिया बिजाथि फोसावनांगो, बिसायख थि गेलेनांगो, देरहानांगो आरौ नरेन्द्र मदिखौं 3 थि खेबनि थाखाय गहाइ मन्थिनि मासियाव जिरायहोफिननांगो होन्नाबे प्रमद बर'आ बुडे। फेगो लक सभा बिसायख थियाव जुथाय हान्जान्या देरहागोन होन्ना दाबि खालामनानै बिजाथि सायख 'नायनि थाखाय बिथाड आयेनि सायाव जों रवबो थांनय हाया होन्ना फोरमायनानै जों बयबो आयेनखौं मान होनांगोन मानोना आयेन-बिजिन्सालिया भारतनि मोनसे गोखों खुन्थिया होन्नाबे बिटिसिनि गहाइ मावफुं सोद्रोमा बर'आ बुडे। एमपि नब' कुमार शरनियानि एसटिनि सोमोन्दै प्रमद बर'आ बुडेदि, बे बिथिखव नब' कुमार शरनियानि गावनि थाथायखौं दैखंदोंब्लाबो आयेनि सायाव रवहाबो जेबो बुंनंगो गैया होन्नाबे शरनियानि फेगो समाव बिसायख थि गेलेनो हागोन ना हाया बेनि सोमोन्दै बिथाड जेबो मिथिया होन्नाबे प्रमद बर'आ फोरमा।

गेलेमु आयदायाव बि टि आर हालामनि थाखाय फिन ...

क्वालिफाइ जानो हादों कक्राझार साइ चेंटरनि आइजो फुटबल हान्जाया। फेगो मार्च दाननि गेजेराव खुंजानो गोनां आइजोफोरनि मोनसे हादतनां थाखोनि जेलुर बादायलायनाय इन्डियान उमेन्स लीग-2 आव कक्राझार साइ चेंटरनि आइजो फुटबल हान्जाया बाहागो लाहैगोन। बेनि थाखाय थग-थियारि खालामनायखौं जागायदों आइजो फुटबल हान्जाया। हादतनां थाखोनि जेलुर बादायलायनाय उमेन्स आइ लीगआव बाहागो लाहैनानै सेमियन जानायनि मिजिजों कक्राझार आइजो फुटबल हान्जानि थाखाय ट्रेनिं केम्प एबा फोरोंथाइ होनाय बादाखौं दिनेनिफ्राय जागायबाय। बि टि आरनि गेलेमु बिफाननि मावफुं सोद्रोमा दावबायसा बर'आ दिने आइजो फुटबल हान्जानि फोरोंथाइ बादाखौं कक्राझार साइ चेंटरआव बेखेवनानै होनाय जायो आरौ आइ लीगआव बाहागो लाहैगोन हान्जानि साफ्रोमबो लाइमोन गेलेगिरिफोरनिंसिम हामलायथि जासिनानै आइ लीगआव बाहागो लाहैनयनि थाखाय बि टि आर सरकारनि गेलेमु बिफाननिफ्राय नांगोबायदि हेफाजाब होगोन होन्नाबे खोथा होयो।

उदालगुरियाव बड लेण्ड इउनिभारिस्टि केम्पास गायसनगोन..

उदालगुरि जिल्लानि दैफां ओन्सोलनि नोलोबारि थावनिखौं नायगिदिहैयो। जायगा नायगिदिहैनयजों लोगोसे मुतुग सोलोंसालि आरौ एक्सनि थान्दै हान्जाया ओन्सोलनि राइजो-राजाफोरजों इउनिभारिस्टि केम्पास लुफुंनोनि सोमोन्दै गुवारै सावरायलायो। नायगिदिनाय समाव एक्सनि आफदगिरिदिपेन बर'आ फोरमायदोंदि, उदालगुरियाव बड लेण्ड आगु सोलोंसालिनि गेसे केम्पास जानो थांगारिनि। बे केम्पासआ आबुडै लुफुंनोब्लाबो उदालगुरिनि फरायसाफोरा गोखौं सोलोंथाइ लानायाव गोलें जागोन। बे केम्पासखौं लुफुंनय आरौ केम्पासआव फेक्काल्टि, टिसिं-न'न टिसिं, मावफारियाफोर थिसन्नायनि थाखाय एक्सआ सरकारखौं नारिन्सोनि थाखाय खामानिखौं मावबाय थागोन होन्नाबे फोरमायो। लोगोसे बे केम्पासखौं लुफुंनयव ओन्सोलनि राइजो-राजाफोरखौं हेफाजाब होनो थाखाय खावलायो। बड लेण्ड मुतुग सोलोंसालिनि उदालगुरि केम्पास नायगिदिहैनय समाव बड लेण्ड मुतुगसोलोंसालिनिफ्राय फारियै रेजिप्टर उं सुबुं बसुमतारी, एकाडेमिक रेजिप्टर उं मन्जिल बसुमतारी, जयेन्ट रेजिप्टर बिस्कुं नार्जीरिजों लोगोसे रेजिप्टरनि पि.एस. उं रिसेनला बसुमतारीयाबो नुजाथि फैदोंमोन। दुलायय बर' फरायसा आफादिनिफ्राय आफादिगिरिदिपेन बर', नेहाथारि आनान्द' देमारी आरौ उदालगुरि जिल्ला एक्सनि बिबानगिरिफोरबो बाहागो लाफादों।

एबिएमसुनि मावफुं आफादिगिरिजों लोगोसे माखासे..

प्रमद बर' दैदेन्याय इडपिपिएलआव दिने हाबाफारि बायदिदै एबिएमसु (अल बड लेण्ड माइन् रिटि स्टुडेन्ट इडनिथन) नि मावफुं आफादिगिरि महिदुल इस्लामजों लोगोसे माखासे एबिएमसुनि मावफारियाफोर हाबफेदों। मख 'नो गोनांदि, खौंर बिजौनि सिगाखव फोरमायनाय बायदिब्ला प्रमद बर' दैदेन्याय इडपिपिएल दोलोनि नेमखान्थि आदर्शखौं मोजो मोनानै दिने फरायसा आफद नागागनानै प्रमद बर' दैदेन्याय इडपिपिएलआव हाबाफारि बायदिदै हाबफेनाय एबिएमसुनि मावफुंआफादिगिरि महिदुल इस्लामआ मिबथिहेंदों। दिने कक्राझार सोहोरनि थानापायगाव थानाय इडपिपिएल दोलोनि मिस्वारि मावखुलियाव खुंनाय हाबाफारियाव इडपिपिएल दोलोनि आफादिगिरि आरौ बिटिसिनि गहाइ मावफुं सोद्रोमा प्रमद बर'आ बाहागो लाफेनानै दोलोयाव हाबफेनाय साफ्रेमबो एबिएमसुनि दैदेनगिरि-मावफारियाफोरखौं आर'नाइजों बरायनानै साफ्रेमबोदो दोलोनि नेमखान्थि आदर्शखौं मानिना सोलिनो खावलायदों। दिनेनि दोलोयाव हाबफेनाय मेलायव इडपिपिएलनि गहाइ नेहाथारि रजु नार्जीरि, बिटिसिनि एमसिएए माधब चेत्रि, दोलोनि दिडेड आफादिगिरि आपजाल हक सरकारमोनजों लोगोसे माखासे गागि दैदेनगिरि, सोद्रोमाफ्रेय बाहागो लाफेदोंमोन।

(1 बिलाइनिफ्राय)

बिटिआरनि लाइमोन जोलैनि थाखाय अग्निबीरआव थिसन्थायनि आगु फोरोंथाय ...

आरौ सांग्राथियारि हाबाफारि खुंनाय जादों होन्नाबे बुडे। लोगोसे बेनि गेजेरजों अग्निबीरआव मा बाययि आर'ज खालामनो नांगो बेनि सोमोन्दै गासैबो फोरमायथिखौं मोनो हागोन होन्नाबे बिथाड मिथिहोयो। बिथाड बिटिसिनि लाइमोन जोलैफोरनो अग्निबीरआ खाबु लाबोदों होन्नाबो बुडे। दिनेनि बादायाव लाइमोन सेंग्रा-सिखाफोरनि बाहागो लानायखौं नुनानै रंजाखानाय फोरमायनानै अग्निबीर बिथाखि दिहुन्थायनि थाखाय गहाइ मन्थि नरेन्द्र मदिनिंसिम बिथाड साबायख 'र जासिहरो। अग्निबीरनि गेजेरजों 4 बोसोर साखि मावनानै गावनि जिउजों लोगोसे हादत सिबिनयनि थाखाय गावखौंनो थियारि खालामनो हागोन आरौ फेगो समाव जौनि हादतनि रेखाथि राहाया गोखों जागोन होन्नाबे प्रमद बर'आ मिजिंथिनय फोरमायो। अग्निबीरनि थाखाय टंला, तामुलपुर आरौ कक्राझारआव आगु सायख 'आरौ कार्डिनलं मिरु गायसन्नाय जादों। लोगोसे साखियाव थिसन्थायनि बैसो थानाय बारार' एन्डिएफबि आरौ बिटिसिनि लाइमोन जोलैखौं अग्निबीरआव गोनांथि होनाय जागोन होन्ना फोरमायनानै अग्निबीरआ हादत अन्नायखौं फोजाखानाय आरौ हादतखौं सिबिनयनि खाबु होगोन होन्नाबो प्रमद बर'आ बुडे। मख 'नो गोनांदि, रौनिया हान्जानि इक' टास्क फर्सनि 135 नं बेटेलियननि कर्नेल गौरव नेगिआ गोसो गुदुं बिजाथिफोरा अनलाइनआव आर'ज खालामनांगो होन्ना फोरमायनानै फेगो 28 फेब्रुवारीसिम रेजिप्टरनिंसिम सम सिमा दड' होन्नाबे मिथिहोयो। बिथाड बिजाथिफोरनि गासैबो फोरमान बिलाइ, सोलोंथाइजों लोगोसे देहानि गोखौंनि आन्जाद बायदि गुबुन गुबुन आन्जाद खालामनायनि उनाव थिसन्थाय होनाय जागोन होन्नाबे फोरमायबावो।

24 नं. बेटेलियन एसएसबिनि बान्जायनायाव बेरेमोदै फिसिनायनि सोलोंथाय हाबाफारि,...

बिलाइ गथायनानै होयो। कुमारिकातायाव थानाय तामुलपुर आन्सालिक ग्रामधाम संघनि मेल जथुमसालियाव खादी गामिउदग फरायसालिनि गोरयुं अनन्त कुमार सिंआ सामलायनाय हाबाफारियाव गहाइ आलासि महरै बाहागो लाफेदों एसएसबिनि रडियाव थानाय 24 नं. बेटेलियननि डिपुटि कामान्डेट कुमुद रज्जनजों लोगोसे तामुलपुर आन्सालिक ग्रामधाम संघनि आफादिगिरि जतिन सरकार, खादी गामिउदग फरायसालिनि गोरयुं अनन्त कुमार सिं, आजिरा मोन्नाय फोरोंगिरि आरौ कुमारिकाता ओन्सोलनि समाज सिबियारि दुलाल दास, बेरेमोदै फिसिथाय-सोलोंथायनि फोरोंगिरि बिरेद दासमोनजों लोगोसे गायदां शक, बिहंगपुर, बिमलानगर, गुवाबारि, रजगडु, नालापारा ओन्सोलाव थानाय एसएसबि बदानि बिबानगिरिफोरजों लोगोसे ग्रामदान संघनि माखासे सोद्रोमा-सुबुंफोरा बाहागो लादों। मेल खुंनयनि गिबियाव माहारियारि बिफा महान्या गान्धीनि सावगारियाव आलादि बाथि फोजौनानै हाबाफारिआ बेखेवजादों। मेलयाव फोरमान बिलाइ गथायनानै साफ्रोमबो आलासिफोरा गाव-गावसोरनि बिबुंथियाव हौवा-आइजो साफ्रोमबो बेरेमोदै फिसिनां रंखाथियारि महरै गसंथानो हायो। बेनि अनगायैबो सरकारनि गहाइ मन्थि थिसन्थाय सोजिनाय बिथाखिनि गेजेरजोंबो बेरे फिसिनायनि बान्जायनायनि अनगायै भारत सरकारनि खादी गामिउदग आयगनि सामलायथायव सोलिबाय थानाय कुमारिकातायाव थानाय खादी गामिउदग फरायसालियाव गुबुन गुबुन आयदायाव फोरोंथायखौं लानानै भारत सरकारनि थिसन्थाय, सोजिनाय बिथाखिनि गेजेरजों गाव गसंथानो साफ्रोमखौंनो खावलायो।

मिरु आक्रासुआ जनजातिनि मुडाव कचराजबंसिखौं थगायनाय बिजेपिखौं ...

सौनाय-फिन्नाय समाव बेरेखा दोलोआ कचराजबंसिफोरनि जनजाति जानायनि सोमोन्दै सौंथि दिखंदोंमोनब्लाबो मन्थि डा: रनज पेगुआ कचराजबंसिफोरनि जनजाति जानायनि दिखंदोंफेथिखौं दिनेंसिमबो मिरुसिम दैथायहरनाय जायाखे होन्नाबे फोरमायनायनि सोमोन्दै खेंगे गोखोडे फिनजाथाय होदों आक्रासुआ। आक्रासुनि मिरु गहाइ नेहाथारि सुनाधर रायआ खौंरगिरिफोरनि सिगाडाव बिजेपि सरकारनि हेंथायै गोखोडे' गूद्रिखानाय फोरमायनानै बुंदोंदि, बिजेपि सरकारआ थगायसुला सरकार। बिसायख थिनि समाव बिजेपिआ कचराजबंसिफोरखौं जनजाति मान होनायनि बाथा होनाय जादोंमोनब्लाबो बिसायख थिनि उनाव बिजेपि सरकारनि बाथा होनाया जेबो खामानि गैयै जादों। बेल 'नडा खेबने थगायनाय बिजेपि सरकारनि हेंथायै बे खेबाव कचराजबंसि राइजो-राजाफोरा थि राहा लागोन होन्ना हुमखि होनाबे खेबसे लकसभा बिसायख थियाव कचराजबंसि राइजो-राजाखौं बिजेपि नागारनो थाखाय खावलायो। बिथाड आरौबाव बुंदोंदि, मिरु आरौ राइज्योयाव बिजेपि सरकार खुंथाय सामलायागिसिनो दड। बिसोरो थि गोसो थायोब्ला गुवैयै कचराजबंसि हारिया जनजाति जानो हागोन। नाथाय बिजेपिआ खेबले-खेबले जनजाति जानायखौं जर'खायै कचराजबंसि राइजो-राजाफोरखौं थगायबोदों। बिजेपि सरकारनि हेंथायै खुद्रिखानाय आक्रासुनि गहाइ नेहाथारिआ बुंदोंदि, थानाय 2014 आरौ 2019 माइथायनि लकसभा बिसायख थियाव गावनो गहाइ मन्थि नरेन्द्र मदि आरौ गिबि मन्थि उं हिमन्त बिश्व शर्मा आ बाथा होदोंमोन। नाथाय भड बेकनि सार्थयाव बाथा होनाय बिजेपिआ कचराजबंसिफोरखौं जनजाति खालामनायनि जेबो गोसो गुदुं जानाय गोसो गैया। बेयो सोलिफु बाजेट जथुम्यायाव खेबसेबाव रोखा जादों। कच राजबंसिजों लोगोसे आसामनि मोन 6 हारियारिखौं जनजाति खालामनायनि सोमोन्दै राइज्यो सरकारजों थानाय समाव गोबां खेब सावरायलायखांबाय आरौ खेबफ्रोमबो जनजाति जानायनि हाबाफारिखौं गथायदों होन्ना बुंथिबोबाय थादोंमोन, जायखौं सोलिफु बिधानसभा बाजेट जथुम्यायाव मन्थिआ बिबुंसार होनायाव आरौबाव खेबसे सरकारनि थगायनाया मिबथिजादों। जनजाति जानायनि मुडाव खेबले-खेबले कचराजबंसिफोरखौं सरकारआ थगायबोदों बिजेपि सरकारआ। नाथाय थामथि खेब आरौबाव बेबायदि खालामनो हाया। बोसोरफ्रोमबो भटनि थाखाय कचराजबंसिफोरखौं नंखाय बाथा होबोदों। कचराजबंसिफोरनो जनजातिनि मान होनायनि जेबो सरकारआ गोसो गैया, बेयो आथिखालाव रोखा जादों। बेनि थाखायनो सरकारआ कचराजबंसिफोरनि मोनो हास्थायनायखौं थामथि खेबनि थाखाय बाहायनो हाया होन्ना आक्रासुनि गहाइ नेहाथारि सुनाधर रायआ हुमखि होदों।

सालाकाति दखरा एबिएमसुनि बोसोनगिरि आबुदुल रहिम चौधुरीनि रुंसारि

नाखेबजानाय फरायसा दैदेनगिरिनि दिने फुंनि 5.30 रिगायाव मज्जिदपाराव थानाय गावनि न'याव रुंसारि जायो। 42 बोसोर बैसोआव जिउ गोमानाय आबुदुल रहिम चौधुरिनि थैनाय सालाकाति दखरनि अनगायैबो कक्राझार जिल्ला आफादिनि एबिएमसुआ गोथो दुखु मोन्नाय फोरमायनायजों लोगोसे दुखुथिया नख 'रनिंसिम समानै दुखु मोनफानाय फोरमायहरो। थैनाय समाव बिपि, सानै फिसाजो, सासे फिसान्ला आरौ बैसो जानाय बिमाखौं बे संसाराव एंगारलाडे।

जया बच्चनआ सोमोन्दोआव अमिताभ बच्चननि थाखाय बे सोदोबखौ माल्लाबाबो बाहायफेराखैमोन

बलिउडनि रोंगथि गोनां फावखुंग्रि जया बच्चनखौ आथिखालाव गावनि फिसौजो जो सोमोन्दोनि गोथैथिनि बागै रायज्जलायनाय नुनो मोनो। बिथांजोआ बेफोर बाथ्राफोरखौ 'व्हाट द हेल नव्या' आव शेयार खालामो। 'व्हाट द हेल नव्या' आ मोनसे पदकास्ट सीरीज, जाय बावैसो गावनि नैथि सिजनखौ जागायदों। पदकास्टआव जया बच्चन, नव्या नबेली नन्दा आरो श्वेता बच्चनखौ आइजोफोरनि मोनथाम महैर दिन्थिनाय जादों, जाय मोजां मोननाय, खामानि आरो जिउनि सायाव गावसोरनि सानथौखौ फोरमायो। बावैसो सिगां जया बच्चनआ गावनि



आरो अमिताभजों सोमोन्दो थानाय माखासे बाथ्राफोरखौ फोसावदों। जया बच्चनआ गावनि फिसौजो नव्या नबेली नन्दानि पदकास्ट व्हाट द हेल नव्यानि बावैसोनि एपिसडआव नुजादोंमोन। डेटिं आरो सोमोन्दोनि सायाव गावनि सानस्त्रिफोरखौ फोरमायदोंमोन। जया बच्चनआ 25 बोसोर बैसोआव अमिताभ बच्चनजों

जुलि जायो आरो आथिखालाव सानैबो 50 बोसोरनि बांसिन जाबाय। रायज्जलायनाय समाव फिसौजो नव्याया बेखौ मिथिनो गोसो गुदुं जादोंमोनदि, जयाया सोमोन्दोआव मा गोरोंथि सानो थामहिनबा सोमोन्दोआव बिथांनि थाखाय गोजा फिफिलया मा। बेनि सायाव फिनजाथाय होनानै जया बच्चनआ बुंदोंमोनदि, गाज्रि आखुआ बिथांनि थाखाय सोमोन्दोआव बयनिखुइबो गाज्रिसिन बाथ्रा। मोनसे जिनिसखौ आं मोगथाखडव मोजां

मोना बेयो जादों जेब्ला मानसिफोर 'नों' आरो 'नोंसोर' बुडे। नोंथाड माल्लाबा आंखौ आंनि बिबौजों 'नों' बाहायनाय खोनादों नामा? आं सानो बेफोर जिरादफोरनि थाखाय सांघ्रां नाजानायनि गोनांथि दं जायखौ नोंथांनि जोलैया खालामा। जेब्लासिम नोंथाड सोरखौबा मान होआ अब्लासिम अननाय थानाय नड। जया आरो अमिताभआ मोजां मोनलायदों जेब्ला अमिताभआ जुजिगासिनो दंमोन। बिथाड सावथुन मुलुगाव गावनि मुं लाखिनो नाजगासिनो दंमोन आरो जयाया सिगांनिफ्रायनो सावथुन मुलुगाव आगान होखाबायमोन। बिथांजोआ बै मुगानि साबसिन फावखुंग्रिफोरनि गेजेराव सासेमोन। अमिताभनि गिबि हिट सावथुन 'जंजीर'आव जयै नुजानायनि उनावनो सानैबो

जुलि जायो। जेब्ला नव्याया जयाखौ सांदोंमोनदि, मोजां मोन्नाया बिथांनि थाखाय मा ओंथि अब्ला बिथाड बुंदोंमोनदि, गोरोंबनाय, बुजिनाय,। बेजों लोगोसे बिथाड जेन जी गुपनि थाखाय मोनसे गोनांथार बाथ्राबो बुंदों। मोजां मोनलायनायनि सायाव सावरायनाय समाव बिथाड गावखौ मोजां मोन्नाय आरो गावनि खुसिनि थाखाय गुबुननि सायाव सोनारनायनि बाथ्राबो बुंदों। जयाया मोनसे बोसोनखौ गोसोखांदोंमोन, जायखौ बिथांनि बिमादै तेजी बच्चनआ सानसे समाव बिथांनो होदोंमोन। आं गोसोआव दं आंनि बिमादैआ जेब्लाबो बुडेमोनदि, नोंथाड मानसिफोरनिफ्राय जेसेबां खम आसा खालामो नोंथाड जिउआव एसेबांनो एसेल' निगशाजों मोगा-मोगि जानांगोन।

मिस्टर बीननि जाहोनाव इउकेआव इभिनि फाननायाव खमायदों



हलिउडनि मुंदांखा फेस्ला सिरिज 'मिस्टर बीन'नि फावखुंग्रि र'वान एटकिन्सनखौ ब्रिटेनआव मोब्लिबारी कार फाननाया बाडइ जालानायनि थाखाय दायनिगिरि खालामनाय जादों। आथिखालाव मुलुगनाडेनो मोब्लिबारी कारफोरखौ पेट्रल आरो डिजेलनि मोनसे साबसिन राहा महैर नायनाय जायो। बेबादि थासारियाव सासे हलिउड स्टारनि मोनसे लिरबिदांआ इउकेआव इभिनि हाथाइखौ गाहायाव खोख्लैदों। ब्रिटेनआव मोब्लिबारी कारफोरनि फाननाया बाडइ जालानायनि थाखाय 'मिस्टर बीन' नि फावखुंग्रि र'वान एटकिन्सनखौ दायनिगिरि खालामनाय जादों। थिंक टैंक ग्रीन एलायन्सआ 2035 मायथाइसिमाव पेट्रल-डिजेल कारफोरखौ फेज खालामनायाव इउके सरकारजों मोगा-मोगि जानानाय गाहाय हेंथाफोरनि सायाव गावनि बिबुंथिफोरखौ दिन्थिफुडे। स्काइ निउसनि बायदिब्ला, थिंक टैंकआ फावखुंग्रिजों लिरजानाय मोनसे लिरबिदांखो गाज्रि खालामदोंमोन आरो बेखौ इभिफोरनि थाखाय खहागोनां होना मानिदोंमोन। फावखुंग्रिआ जुन 2023 मायथाइयाव दान्थे-बिदान्थे गोनां बिबुंथि होदों। थिंक टैंकआ स्काइ आव बुंदोंदि, बयनिखुइ खहागोनांसिन लिरबिदांफोरनि गेजेराव मोनसेदि, गार्जियानआव र'वान एटकिन्सनजों लिरजानाय मोनसे बाहागोमोन। दुखुनांथावै नंगुबै नायबिजिरनाया माल्लाबाबो गुबै नंखाय दाबि बायदि रोखोमसे नायगिरिफोरसिम सौहैया। फावखुंग्रिनि लिरबिदानि बिमुआ जादों, आं मोब्लिबारी मटर-गारिफोरखौ मोजां मोनो आरो आं बेखौ लानाय गिबिसिन सुबुंमोन। नाथाय लासै-लासै आं थगायजानाय मोनदों। इभिआ एसे जिउ गैयैमोन आरो फावखुंग्रिनि गावनि लिथियाय-आयन बेटारि बाहायनायखौ सांखारिदोंमोन।

फावखुंग्रि अनुस्का शर्मानि गोर्बोंआव थानायनि सायाव एबी डिभिलियर्सआ बाथ्रा बुंदों

बलिउडनि फावखुंग्रि अनुस्का शर्मा आरो क्रिकेटर भिराट कहलिनि जराखौ सुबुंफोरा जोबोद मोजां मोनो। सुबुंफोरा सावथुन आरो क्रिकेटखौ ज' खालामनायै बे जरानि मोनफोमबो जिउनि आपडेटखौ मिथिनो लुबैयो। सानैबो 6 बोसोर सिगाडव जुलि जाखंबाय आरो सानैबो सासे फिसाजो वाभिकानि बिमा-बिफा जाबाय। बावैसो खौरां मोनदोंदि, अनुस्का शर्मानैथि नैथि खेबनि थाखाय गोर्बोंआव दं। बिबो गावनि गोर्बोंआव थानायनि बागै सिरि थादोंमोन। अनुष्कानि बेबी बाम्पखौबो गोर्बों खेब नुनो मोनदोंमोन बेनि गेजेरावबो सानैबो माल्लाबाबो गावनि गोर्बोंआव थानायनि बाथ्रा बुंफेराखैमोन नाथाय बावैसो सिगां क्रिकेटर एबी डिभिलियर्सआ फावखुंग्रिनि गोर्बोंआव थानायनि बागै रायज्जलायदों। आथिखालाव बिथाड गावनि बाथ्राखौ उलथायबाय। भिराटनि खाथि लोगो एबी डिभिलियर्सआ बुंदोंदि, भिरुष्कानि न'आ फिन खेबसेबाव रिंखानो थांगासिनो



दं। डिभिलियर्सआ गावनि इउटुब चेनेलाव सासे अनसायगिरिजों रायज्जलायनाय समाव बे बाथ्राखौ बुंदों। 'बियो भिराट कहलीनि थाखाय नख'रि सम। बिसोरहा नैथि गथ' दं। जेब्ला बिथाड इउटुबआव डी भिसियर्सनि अनसायगिरिफोरनि सोंलुफोरनि फिन्नाय होगासिनो दंमोन अब्ला सासे अनसायगिरिया बिथांनार भिराटनि सोमोन्दै सांदों आरो भिराटजों खौरांनि सायाव सावरायनायखौ मख'दोंमोन, जायनि फिन्नायाव डिभिलियर्सआ बुंदोंमोनदि, आंनो हो बिथाड मा बुंदोंमोन। आं नोंथांनो (अनसायगिरिफोरनो) एसे अननाय होनो लुबैदों। बेनिखायनो आं बिथांखौ लिरहरदोंदि, बिबो नोंखौ माखासे समनिफ्रायनो लोगो हमनो लुबैदों। फिन्नायाव भिराटआ बुंदोंमोनदि, आथिखालाव आं आंनि नख'रजों थाफानांगोन।

फावखुंग्रि अनुस्का शर्मानि गोर्बोंआव थानायनि खौरांआ सशेल मिडियायाव गोर्बों साननिफ्रायनो ट्रेन्दिं जागासिनो दं। गोर्बों खेब फावखुंग्रिखौ बेबी बाम्पजों नुनो मोननाय जादोंमोन नाथाय जराया दिनैसिम बेनि सायाव जेबो फिनजाथाय होआखै। अनुष्काखौ भारत आरो अस्ट्रेलिया क्रिकेट मेचआवबो भिराटखौ थुलुंगा होनाय नुनो मोन्दोंमोन। बे मेचआवबो बिथांजोआ मोनसे गुफुर गावनि ड्रेस लादोंमोन, जेराव सुबुंफोरा फावखुंग्रिनि बेबी बाम्पखौ नुदोंमोन। बिनि सिगाडवबो फावखुंग्रिया रोखोमसे गुरे ड्रेस लादोंमोन आरो बे समनिफ्रायनो गोर्बोंआव थानाय रुमारफोरा बांसिन बार मोनदोंमोन। बिनि उनाव फावखुंग्रिखौ हटेलनि बायजोआव बेबी बाम्पजों लोगोसे नुनो मोनदोंमोन, जेराव भिराटखौ गावनि आखाइखौ हमनानै बिथांखौ मदद होनाय नुनो मोन्दोंमोन।

अमिताभ बच्चनआ नैथि खेबनि थाखाय आयध्यायाव दावबायहैदों

मेगास्टार अमिताभ बच्चनखौ गावनि फिसाज्जला अभिषेक बच्चनजों राम ललाखौ थिसन्नाय समाव नुनो मोन्दों। बे समावनो रामललाखौ गोथार खालामनायनि माखासे सप्ताहनि उनाव अमिताभ बच्चनआ शुक्रबाराव फिन खेबसेबाव राम मन्दिराव थादों आरो बिथांखौ रामललायाव दावबायनाय नुनो मोन्दों। अमिताभ बच्चन आरो गोर्बों गुबुन सावथुन स्टारफोरा 22 जानुवारीखालि गाहाइ मन्थि नरेन्द्र मदिजों राम मन्दिरखौ बेखेवनाय समाव दंमोन। मेगास्टार अमिताभ बच्चनआ आयध्यायाव मोनसे हाबाफारियाव बाहागो लानो थादोंमोन। नाथाय बिथाड गिबियाव आयध्यायाव सौहैने



थाखाय सम दिहुनदोंमोन जाहाथे बिथाड भगवान श्री रामखौ बैयाव नुनो हायो। अमिताभ बच्चनआ मुम्बईनिफ्राय थोंजोडे महर्षि भल्मीक गेजेर हायुंआरि बिरख' गाथोनाव सौहैदोंमोन। बेनिफ्राय बिथाड थोंजोडे रामललानि बिजिरसालियाव

माहाम देहानि राहा

डायबेटिज बेरामिफोरनि थाखाय गोर्थां सामब्रामआ मुलाम्फा गोनां

सामब्राम गाजाया जोंनि जाग्रा आदारखौ गोथावसिन खालामो। नाथाय बेनि अनगायैबो सामब्राम गोजा जानायजों गोर्बां मुलाम्फा मोनो। सामब्रामआव थोजासे बिबांनि फलेट, विटामिन सि, केलिसियाम, आयरन, मेग्निशियाम, मेगनीज, फस्फरस, पेट्रशियाम आरो जिंक थायो। बेफोरो शुगारखौ सामलायनायाव मदद होनो हायो, जाय प्रीडायबिटीज गोनां सुबुंफोरनि थाखाय हेफाजाब होयो। बेनि अनगायैबो, नेसनेल लाइब्रेरी अफ मेडिसिनाव फोसावजानाय बेबिजिरसंनया डाइबेटिजआव सामब्राम गोजा जानायनि मुलाम्फाफोरनि बागैबो फोरमायो। बेनिखायनो फे बे बिजिरसंनयनि सोमोन्दै गुवारै मिथिनि। नेशनेल लाइब्रेरी अफ मेडिसिनिन बे बिजिरसंनया बुडोदि, डाइबेटिसआ मोनसे मेटाबोलिक सिन्ड्रम, जेराव उदैनि गाज्रि हजम जानायनि जाहोनाव इन्सुलिननि दिहुन्थाया बाडइ जायो आरो सिनि एबा सुगार



मेटाबोलिजमआ गाज्रि जायो, जायनि जाहोनाव देहायाव सिनिआ बाडे। बेनि एस-मिथाइल सिस्टीन सल्फ'क्साइड (एस.एम.सि.एस.), एस-प्रपाइल सिस्टीन सल्फ'क्साइड, साइक्लोअलिनि, थायसल्फिनेटस आरो सल्फाइड अर्गेन-सल्फयुरिक कम्पाउन्डफोरा सिनिखौ बाडय खालामनायाव मदद खालामो। बिसोरो अक्सिडेटिभ स्ट्रेसखौ बाडइ खालामो आरो ड-ग्लुकसिडेज आखु थायखौ होबथायो। थामहिनबा बेयो कार्बहाइड्रेटखौ ग्लुकजआव सिफायनाय आरो थैयाव हाबनायनि खांन्थिखौ होबथायो। बेयो सिनिखौ बांनयनिफ्राय होबथानो हायो। सामब्रामआव क्वेरसेटिन आरो ऑर्गनिक सल्फार कम्पाउन्डफोर

थायो, जाय देहायाव इन्सुलिन दिहुन्थायखौ बांहोनायाव मदद खालामो। बिनिखायनो, सामब्रामआ ब्लाड सुगारनि थाखोखौ सामलायनायाव हेफाजाब होयो। बे उपवासआ ब्लाड सुगारनि थाखोखौ बाडइ खालामो। बेनिखायनो सानफोमबो थर 1 गोर्थां सामब्राम गोजा जानायजों सिनि मेटाबलिज्मखौ गोर्बो खालामनायाव मदद होयो। बेनि अनगायैबो बे बिजिरसंनयनि बायदिब्ला, नोंथाड सामब्रामनि बिदैं लोंनांगौ एबा सामब्रामनि पाउडर जानांगौ। (बे लिरबिदांआ सरसनस्त्रा फोरमायथिनि थाखाय, अनानै जायखिजाया राहाखौ नाजावनायनि सिगां डक्टनि सुबुरुन लानाया गाहाम)

यामी गौतमनि उनाव गुबुन सासे फावखुंग्रिया मोजां खौरां होदों


आथिखालाव बलिउडआव खुसिनि बोहैथि फेगासिनो दं। सासेनि उनाव सासे फावखुंग्रिया गोर्बोंआव थानायखौ फोसावगासिनो। बावैसो यामी गौतमआ गावनि गोर्बोंआव थानायखौ फोसावदोंमोन आरो आथिखालाव बलिउडनिफ्राय आरोबाव मोनसे मोजां खौरां फेदों। 'फुकरे' नि फावखुंग्रि ऋचा चड्ढयाबो गोर्बोंआव दं। फावखुंग्रिया गावनो समाजारि बिजोंआव बेखौ फोसावदों। बेनि ओथिया बेनेदि आथिखालाव ऋचा चड्ढया सासे बिमा जानो थांगासिनो आरो आली फजलआ थाबैनो बिफा जानो थांगासिनो। सानैबो जोबोद खुसि आरो सशेल मिडियायाव गावसोरनि गोजोननायखौ फोरमायदों, जायखौ नुनानै फावखुंग्रिनि अनसायगिरिफोरा गोसो गुदुं जादों आरो बिथांमोनखौ बरायदों। ऋचा चड्ढा आरो आली फजलआ गावसोरनि गिबि फिसानि मिजिं थिदों। जराया सशेल मिडियायाव मोनसे गोसो बोनो हनाय पस्टजों खौरांखौ फोसावो। बिथाड 1+1=3 लिरनाय मोनसे सावगारि पस्ट खालामदों आरो बे खौरांखौ मोनसे केप्लानजों रोखा खालामनाय जादों। बे पस्टआव आरोबाव मोनसे जुनिया सावगारि नुनो मोननाय जादों। बे सावगारियाव ऋचा चड्ढा आरो आली फजलखौ फेसालिनि आन्दोआव गावजों गाव



रमान्स खालामनाय नुनो मोन्दों। बे सावगारिनि सायाव सासे गोर्बोंआव थानाय आइजोनि इमजिबो दं। सिगांनि सानाव गावसोरनि सावथुन 'आर्टिक 370' नि फोसावनायनि समाव यामी गौतम आरो फिसाय आदित्य धरआ गोर्बोंआव थानायखौ फोसावदोंमोन आरो बुंदोंमोनदि, बिसोरनि फिसा आलासिआ थाबैनो बिथांमोननि न'आव फेगोन। बिथाड बुंदोंदि, समजों लोगोसे बेखौ मिथिनो मोनगोनदि, फेबाय थानाय आलासिआ लक्ष्मी ना गणेश। बिसोर सानैखौबो जोबोद खुसि आरो गोसो गुदुं नुदोंमोन। आदित्यखौ जेब्लाबो यामीखौ हेफाजाब होनाय नुनो मोन्दोंमोन। बिसोरखौ गथ'नि बिमाखौ सामलायनाय नुनो मोन्दोंमोन। ऋचा चड्ढाखौ जोबथा खेब 'फुकरे 4' आव भोली पन्जाबनि महराव नुनो मोननाय जादोंमोन। बिथांखौ थाबैनो संजय लीला भन्सालीनि वेब सिरिज 'हीरामन्डी' आव नुनो मोनगोन।

पवन कल्याणनि गोजाम सावथुनखौ फिन रिलिज खालामफिन्दों

सुपरस्टार पवन कल्याणनि सावथुन 'केमेरामेन गंगाथो रामबाब'आ 2012 माइथायाव फोसाव जादोंमोन नाथाय बेयो फिन खेबसेबाव सिनेमा हलफोराव रिलीज जाबाय। बे सावथुनखौ पुरी जगन्नाथआ दिथा होदोंमोन आरो पवन कल्याणजों लोगोसे तमन्ना भाटियाया गाहाय फाव खालामदों। बे समावनो साउथनि सुपरस्टार पवन कल्याण स्टार 'केमेरामेन गंगाथो रामबाब'नि फिन रिलीजआ नन्द्यालायाव सासे थियेटारनि बिगोमानि थाखाय बेसेन गोसा फोरमान जादों। गावसोरनि मोजां मोनजासिन्नाय सिटारनि थाखाय फिन रिलिजखौ फालिनो थाखाय माखासे अनसायगिरिफोरा थियेटारनि सिखव अर सावदोंमोन, जायनि भिडिअ'आ समाजारि बिजोंआव गोखैयै गोसारलांगासिनो दं। एएनआइआ एक्सआव मोनसे भिडिअ' शेयार खालामनानै बुंदोंदि, पवन कल्याणनि सावथुन



केमेरामेन गंगाथो रामबाबुनि फिन रिलिजनि समाव अनसायगिरिफोरा नन्द्यालानि मोनसे थियेटारनि सिखव लेखा बिलाइनि थुखाफोरखौ सावना होयो। भिडिअ'आव अनसायगिरिफोरखौ लेखा बिलाइनि थुखाफोरखौ सावनायनि उनाव होसिखावनाय आरो रंजानाय नुनो मोनो। जेब्ला अर खामो अब्ला बिथांमोनखौ पवन कल्याणखौ थुलुंगा होनायबो नुनो मोनो। बेयो गिबि खेब नड जेब्ला पवननि अनसायगिरिफोरा थियेटारफोरा दावराव-दावसि खालामदों। 2021 माइथायाव जेब्ला बिथांनि मोनसे सावथुनखौ मोनसे आरोंदायारि गोरोंन्थिनि थाखाय

मोनसे थियेटाराव दोन्थ'नाय जादोंमोन अब्ला बिथाड जगुलाम्बा गडवालनि मोनसे थियेटारखौ बुफायदोंमोन। 2023 माइथायाव जेब्ला माखासे अनसायगिरिफोरा फैनानै भिजयवाड्यायाव मोनसे थियेटारखौ बुफायदोंमोन अब्ला बिसोरखौ पुलिसआ खादोंमोन आरो गोखौ सांघ्रांथि होदोंमोन। 'केमेरामेन गंगाथो रामबाबुआ मोनसे राजखान्थियारि-एक्शन सावथुन, जेराव पवन कल्याण रामबाबुनि फाव लादों, जाय सासे इलेक्ट्रिक मिडिया खौरांगिरिफोरनि। प्रकाश राजआबो सावथुनाव मोनसे गाहाइ फावआव दंमोन। साउथयाव फावखुंग्रिनि गोर्बां अनसायगिरिफोर दं।

गोमो साद्रि लानाय नुनो मोन्दोंमोन। फावखुंग्रिआ थानसालियाव माखासे समखौ हगारदों। बिथाड थानसालियाव रामललानि खाथियाव खर' गंगलायदोंमोन आरो आरती खालामदोंमोन। बेनि उनाव अमिताभ बच्चनआ थोंजोडे कमिसनार गौरव दयालनि न'आव सौहैदों। बिनि सिगां अमिताभ बच्चनआ 22 जानुवारीयाव फिसाज्जला अभिषेक बच्चनजों आयध्या राम मन्दिरनि बेखेवनाय फोर्बोंआव बाहागो लादों। खामानि मावनायनि सायाव बुंनो थाडोब्ला, अमिताभ बच्चनखौ 'प्रजेक्ट के' मुनि सावथुनाव गाहाइ फावआव नुनो मोनगोन। बेनि अनगायैबो बिथांखौ धारा 84 आवबो गाहाइ फाव खालामनाय नुनो मोनगोन।

हादतनि माखासे बाहागोफोराव फैगौ सानबासिमाव अखा हानो हागौ

गोदान दिल्ली, 9 फेब्रुवारी : बोथोर बिफाना फोरमायनाय बायदिब्ला हादतनि आलादा आलादा बाहागोफोराव फैगौ सानबासिमाव अखा हाबाय थगोन। दिल्लीजौ लोगोसे हादतनि माखासे बाहागोफोराव सोलिबाय थानाय बार बारनाया साननैन उनाव दिदोम जागोन। भारत बोथोर बिगियान बिफानआ गावनि गोदान फोसावदिआव बुंदोदि, गेजेर भारतनि माखासे बाहागोफोराव 10-14 फेब्रुवारीसिम सरासन्ना अखा हानो हागौ। हादतनि गेजेर बाहागोफोराव मोनसे चक्रवाती सोलायनायनि गोहोमनि गेजेरजौ फैगौ सानबानि गेजेराव मध्य प्रदेश, भिदर्भ आरौ छत्तिसगड्आव सरासन्ना अखा हानो हागौ। बोथोर हमादंग्रा एजेन्सिफोर फैगौ 14 फेब्रुवारीसिमआव उत्तर प्रदेश, बिहार आरौ झारखण्ड बायदि राइज्योफोराव अखा हागोन होन्ना फोरमायदो। बोथोरिअन्ध प्रदेश, तामिलनाडु, तेलंगाना आरौ केरला बायदि खोला राइज्योफोरावबो 10 आरौ 11 फेब्रुवारीयाव अखानि बोथोरखो नुनो मोनगोन। आइएमडिया फैगौ सानथामनि



गेजेराव सानजा भारतनि माखासे बाहागोफोराव मिनिमाम बिदुड 4-8 डिग्रि सेल्सियासनि गेजेराव जेबो मख 'जाथाव सोलायनाय नडा आरौ बेनि उनाव 2-3 डिग्रि सेल्सियास बांनायखौ हमादो। फैगौ सानबानि गेजेराव सा भारतआवबो मिनिमाम बिदुडजव जेबो मख 'जाथाव सोलायनाय नडा। बेनि अनगायै हिमाचल प्रदेश आरौ पान्जाबनि आलादा आलादा बाहागोफोराव सितबो गोमलैनो हागौ। अदेबानि पान्जाब, हरियाणा, चन्दिगड, उत्तराखण्ड,

सा राजस्तानआव मिनिमाम बिदुड 4-8 डिग्रि सेल्सियासनि गेजेराव अखा हागोन। बेनि अनगायै गेजेर राजस्तान, उत्तर प्रदेश, मध्य प्रदेशआव बे बिदुड 8-12 डिग्रिनि गेजेराव रिपट खालामगोसिनो दड। बेजौ लोगोसे दिने हिमाचल आरौ पान्जाबआव खुवा खुनायनि एलाट फोसावदो। बोथोर बिफाननि गनायना लानाय बायदिब्ला अरुनाचल प्रदेश, सोनाब बंग', सिक्कीम, आसाम, मेघालयआव 9 फेब्रुवारीखालि आरौ उरिष्याआव

10 आरौ 12 फेब्रुवारीखालि सरासन्नानिफ्राय गेजेर थाखोनि अखा हागोन। बेनि अनगायै गेजेर भारतआव मध्य प्रदेश, भिदर्भ, छत्तिसगड्आव 10-14 फेब्रुवारी, गेजेर महाराष्ट्रआव 10 आरौ 11 फेब्रुवारी, मराठवाड्याव 9-11 फेब्रुवारीखालि अखा हागोन। बेराफारसे मध्य प्रदेश, भिदर्भ, मराठवाडा, चन्दिगड्आव फैगौ 11 फेब्रुवारीयाव बारहुंखा बारनायनिबो सांग्रांथि फोसावदो।

किम जंआ खोला करियाखौ सुथुर नाम्बार-1 होन्ना बुंदो



सियल, 9 फेब्रुवारी : सा करियानि तानाशाह किम जं उनआ आरौबाव खेबसे गावनि सुथुरफोरखौ सांग्रांथि होदो। तानाशाहआ बुंदोदि, बिबो गावनि सुथुरफोरखौ फोजेबखानायाव गावनि गोखाम सान्थियारि गोहोखौ बाहायनायाव खम खालामनाय नडा। अदेबानि किम जं उनआ मुं लायाजासे खोला करिया आरौ आमेरिकानि सायाव नोजोर खोखलैदो। गावनि सान्थिफोरखौ गायसन्नायनि बोसोरि सानआव बिथाड बुंदो। जुदि सुथुरा जौनि हादतनि हॅथायै बोलो बाहायनो नाजायोब्ला जौ जांरिमिनखौ सोलायहोनो थांखि लागोन आरौ बिसोरखौ फोजेबनो थाखाय गावनि गासै गोहोखौ बाहायनायाव खम खालामनाय नडा। केसिएनए खौरं एजेन्सिन रिपर्टनि बायदिब्ला तानाशाहआ आथिखालाव माब्लाबाबो खोला करियाजौ लोगोसे सावरायनाय नडा होन्ना बिबुंथि होदो। बेराफारसे बिसोर खोला करियाखौ सुथुर नाम्बार-1 होन्ना फोरमायदो। बिथाड बुंनावदो, गोहो गोर सान्थि थियारि खालामनाय नेम-खान्थिया सा करियानि थाखाय गोजेन आरौ रैखाथिखौ रोखा खालामनायनि मोनसेल' राहा लामा। माखासे सान सिगां किम जं उनआ बुंदोमोनदि, बिसोर खोला करियानि हॅथायै नायबिजरनो थाखाय संबिजिस्काव सोलायनो थाखायबो थियारि खालामदो। किमआ गावनि फिसाजो किम जु एजौ लोगोसे गायसन्नाय साननि जथुमायाव बाहागो लादो। बेरा फारसे बिथाड गावनि फिसाजो जौ लोगोसे रैखाथियारि मावख'आव दावबायदो। सा करियाआ 8 फेब्रुवारीयाव गावनि सान्थिफोरखौ गाइसन्दोमोन आरौ थानाय बोसोरनि खवसे हरआव गावनि बयनिखुइ देरसिन द्विपनि सिडव बेलेस्टिक मिसाइलफोरखौ दिन्थिनानै मोनसे गिदिर सान्थियारि पेरड खुंदोमोन।

महिन्द्रनि बिइ.05, एक्सइउभि.इ9 आरौ एक्सइउभि.इ8खौ लानानै गोदान आपडेट होदो

गोदान दिल्ली, 9 फेब्रुवारी : महिन्द्रनि फारसेनिफ्राय फैनो गोनां गिबि इलेक्ट्रिक एक्सइउभि 700 खौ एलेक्ट्रिकजौ सोलायनाय जागोन आरौ बेखौ एक्सइउभि.इ8 बुंनाव जायो। बेनि गोलाव गुवार आरौ गोजौआ 4740 मिमि, 19 मिमि आरौ 1760 मिमि जागोन। इभिनि व्हील बेसआ 2762 मिमि जागोन। गासै गोदान गरिया गोदान आइएमजिएलए प्लेटफर्मनि सायाव बिथा खालामगोन। बिबो मोनसे स्केलेबल प्लेटफर्म, जाय 4.3 मिटरनिफ्राय 5 मिटरनि गेजेरनि गरिखौ मदत होनो हागौ। महिन्द्र बेनि फ्रन्ट फेसियाखौ आपडेट खालामगोन। जाहाथे एक्सइउभि.इ8 खौ एक्सइउभि 700 निफ्राय गोरलैयै सिनायनो हायो। बिइ.05 आ गंसे कुप एक्सइउभि जागोन आरौ महिन्द्रनि गोदान बिइ ब्रेन्ड बायदि जागोन। बिइ.05 नि गोलावआ 4,370 मिमि आरौ गुवारआ 1,900 मिमि जागोन। बेनि गोजौआ 1,635 मिमि जागोन। बेरा फारसे व्हील बेसआ 2,775 मिमि जागोन। एक्सइउभि नेमप्लेटनि सायाव बिथा खालामनाया गाहाइ एलेक्ट्रिक एक्सइउभि.इ9 जागोन, जाय मोनसे कुप एक्सइउभिजो जागोन। बेनि गोलावआ 4790 मिमि आरौ गुवारआ 1,905 मिमि जागोन। लोगोसे बेनि गोलावआव 1,690



मिटरनिफ्राय 5 मिटरनि गेजेरनि गरिखौ मदत होनो हागोन। बे गरिफोरखौ औरैबायदि सुबिधा गोनां खालामनाय जादो, जायनि गेजेरजौ उनि सिटआव जिरायनाय साथाम सुबुंफोर गाहामै दावबायनो हागोन।

पेटिएमआ गावनि इ-कमार्स प्लेटफर्मनि मुंखौ सोलायबाय

गोदान दिल्ली, 9 फेब्रुवारी : पेटिएमआ गावनि इ-कमार्स प्लेटफर्मनि मुंखौ सोलायना होदो। कम्पानिया पेटिएम इ-कमार्सनि मुंखौ सोलायनानै पाइ प्लेटफर्म खालामबाय। लोगोसे अनलाइन खुसा फालांगियाव बाहागो बांहोनो थाखाय बिटसिलाखौ आवग्रिदो। बिटसिलाया अएनडिसियाव मोनसे फानग्रा जौसां। सुलुडाव फोरमायनाय बायदिब्ला कम्पानिया गासै 3 दाननि सिगां मुं सोलायनो थाखाय आर'ज गाबदोमोन। थानाय 8 फेब्रुवारीयाव बै कम्पानिया रेजिस्तारनिफ्राय गनायथि मोनो। बे फोरसानलाइनि अकटनिफ्राय कम्पानोनि मुंखौ पेटिएम इ-कमार्स प्राइभेट लिमिटेडनिफ्राय सोलायनानै पाइ प्लेटफर्म प्राइभेट लिमिटेड खालामना होनाय जायो। एलिभेशन केपिटेलआ पेटिएम इ-कमार्सखौ बयनिखुइ देरसिन शेयार खालामग्रा। बेयो पेटिएमनि गायसनगिरि आरौ गाहाइ सामलायग्रा बिबानगिरि (सिइअ) भिजय शेखर शर्मा, साफ्टवेक आरौ इबेनिबो मदत मोनो। सुलुंनि बायदिब्ला आथिखालाव इनबिटस



सल्युशन्स प्राइभेट लिमिटेड (बिटसिला) खौ आवग्रिना लाबाय। बेखौ थानाय 2020 आव दिन्थिदोमोन। बेयो फुल-स्टेक अर्मानसेनल आरौ हाइपार लकेल कमार्स गोहोजौ लोगोसे अनएनडिसि फानग्रा जौसां महैरै खामानि मावयो। अपेन नेटवार्क फर डिजिटेल कमार्स

(अएनडिसि)आ फालांगि आरौ उदग बिफाननि मोनसे थांखि। बेनि थांखिया फिसा खुसा फानग्राफोरखौ डिजिटेल कमार्सनि मुलाम्फा लाहोनायाव मदत खालामनायनि फारसे मोनसे सुबिधा गोनां मडेल थियारि खालामनाय। मख'नो गोनांदि, पाइ प्लेटफर्मआ अएनडिसि

सोलोथाइ बिफाननि एडिशनल चिफ सेक्रेटारि केके पाठकआ दिने सितामढीयाव थांदो

सितामढी, 9 फेब्रुवारी : सोलोथाइ बिफाननि एडिशनल चिफ सेक्रेटारि केके पाठकआ दिने सितामढीआव फैगोन। बेनि रैखाथिखौ लानानै स्कर्टजौ लोगोसे गुबुन थियारिफोरखौ खालामनाया सोलिगासिनो दड। मधुबनिजौ जानानै सितामढीनि पुपरी प्रखण्डयाव बिसोर गासै 11 सिगायव सौहैगोन। जिल्ला आलासि बरयग्रा न'आव जिरायनाय आरौ आदार जानायनि उनाव बिथाड जिल्लानि गाहाइ मावख'आव थानाय डाइटखौ नायबिजरनायनि हाबाफारि लादो। बेनि खौरंखौ डिइअ प्रमद कुमार साहुआ डिएमनो होनानै एडिशनल चिफ सेक्रेटारिनि रैखाथिनि थाखाय स्कर्ट पार्टी आरौ पुलिस हान्जाफोरनि बेब'स्था खालामनो थाखाय आर'ज गाबो। बेराफारसे डाइटआव एडिशनल चिफ सेक्रेटारिनि नायबिजरनाय



हाबाफारिखौ लानानै डाइट खुंथाया बेब'स्था खालामनायाव नांथाबदो। मख'नो गोनांदि, थानाय दानाव एडिशनल चिफ सेक्रेटारि केके पाठकआ डाइटजौ लोगोसे खावसे दर्जन स्कूलफोरखौ नायबिजरनानै सोलोथाइ बेब'स्थानि खौरं लादोमोन। एडिशनल चिफ सेक्रेटारि केके पाठकनि नुजाफेनाय आरौ नायबिजरनायखौ लानानै जिल्लानि सोलोथाइ मावख'फोरव गिनाय थासांरि सोमजिदो। फारसेथि पुपरी एसडिआ चिफ

सेक्रेटारि केके पाठकनि फेनाय खौरंनि सायाव बिनि रैखाथि आरौ हान्था मेलानि बेब'स्थाखौ लानानै पुपरी आरौ बाजपट्टीनि भिडिअ आरौ थाना बिबानगिरिखौ नोजोर लाखिनो थाखाय एलाट खालामदो। एसडिअआ भिडिअ आरौ थाना बिबानगिरिखौ गावबा गावनि ओन्सोलाव बिथांनि रैखाथि आरौ हान्था-मेलानि बेब'स्थाखौ नोजोर लाखिनो थाखाय बिथोन होदो। जाहाथे बिनि दावबायनायाव जेबो रोखोमनि जेना सोमजिया।

पुतिनआ गावसोरनि हादतआव गाग्लोबाबासो पलेन्डआव सान्थिफोर दैथाइहरगोन होन्ना बुंदो

मस्क', 9 फेब्रुवारी : रसियाआ पलेन्डनि सायावबो गाग्लोबोनो हागौ। बे सौनायनि फिन्नायखौ रसियानि हादतगिरि ब्लाडिभिर पुतिनआ होदो। पुतिनआ थानाय वृस्पतिबास्खालि बुडेदि, पलेन्ड एबा लातभियानि सायाव दखल खालामनायनि सौंथियानो सोमजिया। रसियानि हादतगिरिया आमेरिकानि टय स्व' हस्ट तकर कार्लसनखौ बुडेदि, इउक्रेनआव दावहाखौ फुवारायाव जौहा जेबो बुंनांगौ गैया। कार्लसनआ मोनसे मोगा-मोगियाव बे बाथ्रानि सोमोन्दैयै सौंथि दिखौदोमोन। बे सौनायनि फिन्नाय होनानै पुतिनआ बुडेदि, जौ मोनसेल' बिथिडव गावनि सान्थिफोरखौ पलेन्डआव दैथाइहरगोन। जेव्ना बिसोरनि हादतआ जौनि सायाव दखल खालामगोन। पुतिनआ बुंनावदो, जौहा पलेन्ड, लातभिया एबा जेरावबो दखल खालामनायनि जेबो बिथांथि गैया। सुलुडाव फोरमायनाय बायदिब्ला, थानाय 2 बोसोरनिफ्राय रसिया आरौ इउक्रेननि गेजेराव दावहा सोलिदो। रसियाजौ लोगोसे सोलिबाय थानाय दावहानि गेजेरजौ इउक्रेननि हादतगिरि भल डिभिर जेलेनस्क्रिया इउक्रेननि सान्थिफोरनि गेजेराव गिदिर सोलायहोनानै सान्थि गाहाइ बेलेरी सोलायखौ बोखारनानै



कामान्दार जेनेरेल आलेकजेन्दार सिस्की (85) खौ गोदान सान्थि गाहाइ खालामो। जेलेनस्क्रिया शुरुबारखालि एक्सआव पस्ट खालामनानै आथिखालाव

सान्थिनि दैदेनायाव सोलायनायनि सम फैबाय होन्ना बुडे। लोगोसे जेलेनस्क्रिया बेलेरि जालुज्योखौ बिनि 2 बोसोर सिबिथाइनि थाखाय साबायखर होयो।

उत्तराखण्डनि हलद्वानियाव सरकारि मावसुमा मावफारियाफोरनि सायाव गाग्लोबदो

हलद्वानि, 9 फेब्रुवारी : उत्तराखण्डनि हलद्वानिआव पुलिस मावफारियाखौ अरजौ सावनो नाजानाय जाथाइ सोमजिदो। हलद्वानि बनभुलपुरआव सरकारि हायाव लुनाय आयेन बेरेखा माद्रासा आरौ नामास खालामग्रा जायगाखौ होखानो थानाय पुलिस, खुंथाइ आरौ नगर निगमनि हान्जानि सायाव गाग्लोबो, अन्थाइ खुबैनाय आरौ अर सावनानै होबथानो नाजानाय जाथायखौ लानानै शुरुकाराव नैनितालनि डिएम बन्डना सिंआ प्रेस कन्फरेन्स खालामो। बिबो फोरमायदोदि, हाइ कर्टनि बिथोन मोनार्थनि उनाव हलद्वानिआव जायगा जायगा आवग्रिनानै लानाय हानिफ्राय होखारसानाय हाबाफारि लानाय जादो। बिसोर बयनोबो नटिस आरौ हियारिनि खबु होनाय जादो। माखासेआ हाइ कर्टआव सौहैदो, माखासेनो सम होनाय जादो आरौ खायसेनो जेबोर सुंद सम होनाय जादो। अदेबानि जेराव सम होनाय जायाखै बेयाव पिडब्लिउडि आरौ नोगोर निगमनि फारसेनिफ्राय डिमलिसन अभियान सालायनाय जादो। डिएम बन्डनाया बुंनावदोदि, बै जाथायनि भिडिअफोरव पुलिस हान्जाखौ सोरनिबा सायाव अनागार खालामनाय एबा बुगलु-सुगलु खालामनाय नुनो मोन्याय जायाखै। डिएमआ गावसोर डिमलिसन अभियानखौ सोलिहोलानायनि थांखि लादो होन्नाबो फोरमायदो।



मानोना पाब्लिक सम्पतिफोरनि सायाव जेबो होबथानाय गैयामोन। बेयाव रवबो सुबुंनि मोन्थायबो गैयामोन। गुबुन गुबुन जायगाफोरव आयेन बेरेखायै

दख'ल खालामना थानायखौ होखानायनि आयेनारि हाबाफारि सोलिहोनाय जादो। बेनि गेजेरजौनो बैयावबो होखानाय हाबाफारिखौ लादो। हाबाफारिया गाहामै

सोलिबाय थानाय समावनो सुबुंफोरनि मोनसे गिदिर हान्जाया नोगोर निगम हान्जानि सायाव गाग्लोबो। बैयावनि सुबुंफोरा डिमलिसन अभियान सालायनाय

समाव मावथि हान्जानि सायाव गाग्लोबोनो थाखाय यजना खालामना थादोमोन। रैखाथि हान्जाया अन्थाइ खुबैनाय गिबि हान्जाखौ होखानायनि उनाव आरौबाव गुबुन हान्जाया फेनानै पेट्टल सोना लाबोनोय बथलखौ अर सावनानै खुबैयो। फारसेथि माखासे सुबुंफोरा पुलिस थानायव बेदिहैदोमोन आरौ थाना सिडव थानाय सुबुंफोरखौ बायजोआव फै होयाखै मोन। बिसोरनि सायाव अन्थाइ खुबैनाय जायो आरौ पेट्टल बमाजौबो गाग्लोबो। थानानि बायजोआव थानाय गरिफोरखौ अर सावनानै होयो। पुलिस थानाखौ रैखा खालामनायनि थाखाय पुलिसआ टिआर गेस आरौ दै सारनानै थासांरिखौ सामलायनो गोनां जायो।

इराननि सुप्रिम लिडार आयातुल्लाह आली खामेनेइनि फेजबुक आरौ इन्सटाग्राम एकाउन्टआ ब्लक जाबाय

तेहरान, 9 फेब्रुवारी : इराननि साबसिन देदेनगिरि आयातुल्लाह आली खामेनेइनि फेजबुक आरौ इन्सटाग्राम एकाउन्टखौ ब्लक खालामदो। मेता बुंथियारिया खौरं एजेन्सि एएफपिनो खौरं होनाय बायदिब्ला, आयातुल्लाह आली खामेनेइनि फेजबुक आरौ इन्सटाग्राम एकाउन्टनि गेजेरजौ बे एफनि गाइडलाइन्सखौ सिमफायगासिनो दडमोन। सुलुडाव फोरमायनाय बायदिब्ला



इरानआ खुला-खुलैयै हामासखौ मदत खालामगोसिनो दड।

बेराफारसे आयातुल्लाह आलीया माखासे सशेल मिडियानि

गेजेरजौबो इच्राइल आरौ आमेरिकानि हॅथायै नायबिजिसो हुमखि होखांबाय। आयातुल्लाह आलीया गाजानि सायाव इज्राइलनि बम गावनायजौ लोगोसे यमरनि हुति बिग्रायारिफोरनि गेजेरजौ रेड सियाव थानाय सिपिनि सायाव गाग्लोबनायफोरनि हॅथायै पि पिल स्टा इ न फ र नि नायबिजि र फि न्नाय खौबो रइज्योआरि महैरै मदत खालामदो। 35 बोसोरनिफ्राय इराननि खुंथायाव थानाय आयातुल्लाह आलीनि इन्सटाग्रामआव 50 लाख फलवासफोर दड। सुलुडाव फोरमायनाय बायदिब्ला हामासखौ आमेरिकानि गेजेरजौ मोनसे गुबुन हादतयारि उतखारि फसंथान महैरै मुं थिसदो। इरानआव इन्सटाग्राम आरौ फेजबुकफोरनि सायाव होबथानाय दड। नाथाय इराननि होबथानायफोरनिफ्राय रैखा मोन्नो थाखाय इउजारफोरा फेजबुक इडुटार आरौ इउडुबखौ भासुएल प्राइभेट नेटवार्क एबा भिपिएनि गेजेरजौ बाहायो।

गिबि 3 डि प्रिटेन्ड स्केट आगिनबानखौ थावैनो लन्व खालामगोन

गोदान दिल्ली, 8 फेब्रुवारी : भारतनि अखांमा सामलायथाय भारतीय माहारियारि अखांमा नायसंग्रा आरौ संदानग्रा मिरु (इन-स्पेस) आ बुंदोदि, चेन्नाइनि स्टेट आप कम्पानो आगिनकुलआ सोलिफु रंखान्थि बोसोरनि 4थि 3 दानआव 3-डि प्रिटेन्ड स्केट आगिनबान-एसअआरटिडिड लन्व खालामगोन। इन-स्पेसनि बायदिब्ला, 2023-24 नि 4थि 3

दान आरौ फैगौ रंखान्थियारि बोसोरव प्राइभेट स्टेट आप स्काइ रुड आरौ आगिनकुलनि मोन 3 थांखिफोरजौ लोगोसे गासै 30 मिशनफोरखौ मोगथां महर होनो थाखाय थि खालामदो। बेयाव गगनयान मिशनजौ लोब्बा थानाय मोन 7 लन्व, लघु सेटेलाइट लन्वियान (एसएसएलभि) नि मोनै लन्वआवो दंफायो। गुबुन लन्वि हाबाफारियाव बोथोर



हमादनाय, खैफोद सामलायनाय आरौ बोथोरजौ लोब्बा थानाय सेटेलाइट इनसेट-3 डिएस सेटैलाइटखौ बेनि थि लामायाव दोनहरनायनि थाखाय जिएएसएलभि-एफ 14 नि लन्विआवो दंफायो। इन-स्पेसआ बुंनावदोदि, एसएसएलभिनि 3थि जौगाखां उरओ फैगो मार्चिसमाव थियारि जानायनि आसा दड।

उननि रंखान्थि बोसोरनि समाव एयार स्पेसआ बानायनाय रकेट भिक्रम-1 खौ लन्व खालामनायनि आसा दड। इसर'नि बिजनेस ब्रान्स, निउ स्पेस इन्डिया लिमिटेडनि गेजेरजौ पिएसएलभिनि मोन 4 लन्व, मोनसे एलभिएम 3 मिसन आरौ एसएसएलभिनि मोन 2 लन्व खालामगोन।

पिभि सिन्धुआ पेरिस अलिम्पिकनि थाखाय थियारिआव दड

गोदान दिल्ली, 9 फेब्रुवारी: अलिम्पिक गेम्सआ सोलिफु बोसोरावनो पेरिसआव खुंजागोन। जायनि थाखाय गासैबो एथलीटफोरा दानिफ्रायनो गावसोरनि थियारिफोरखौ जागायनो ह्मदो। बे समावनो भारतनि स्टार बेडमिन्टन आइजो गेलेगिरि पिभि सिन्धुआ माखासे समनिफ्राय जोखोमआव गोल्नैनायनि उनाव कर्टआव फेफिनो आबुडै थियारिआव फेदो। अलिम्पिकआव खेबनै मेडेल देहानाय सिन्धुआ जानो गोनां पेरिस अलिम्पिकनि बागै मोनसे बिबुंधि होदो। बिथाड बे अलिम्पिकआव देरहानो थाखाय गोखौं जुजिनगौनि गोनांथिखौ फोरमायनानै सनानि मेडेल देहानो थाखाय बांसिन सोलो गोनां जानांगोनखौ फोरमायदो। बारग' वर्ल्ड



सेम्पियन सिन्धुआ माखासे समनिफ्रायनो बेडमिन्टन कर्टआव गावनि मोजां फर्मआव दिन्धिफुनो हायाखैमोन। थांनय बोसोरनैआव बिथाड गावनि गात्रि फर्म आरो जोखोमनि थाखाय जेनायाव गोल्नैबोदो। सिन्धुआ कमनवेल्थ गेम्स 2022 आव आगिस हान्जाआव जोखोम मोन्नायनि उनाव 2023 आव जालांनय फ्रेन्स अपेननि समावबो जोखोम जादोमोन। गावनि कर्टआव फेफिन्यायनि सोमोन्दै बिथाड सांग्रांथिखौ

फोरमायनानै 2016 आरो 2020 नि अलिम्पिकनि रुजुनायाव सोलिफु बोसोरनि अलिम्पिक गेम्सआ जर'खा जागोनखौ फोरमायो। बिथानि बादिब्ला, पेरिस अलिम्पिकआव बांसिन जुजिनो गोनां जागोन। नाथाय बेनि थाखाय गावनिफ्राय बांसिन रेंगथि लानायजो लोगोसे बांसिन सोलो थांनगोनखौ फोरमायो। आइजोफोरनि सार्किटआव साबसिन 10-15 गेलेगिरिफोर बांसिनै गोत्राव जुजिनो गोनां जायो। बेबादिआव सिन्धुआबो

गावनि गेलेनायाव गोसो होनांगौखौ गोनांथिथार फोरमायदो। बिथाड गावनि बिबुंधियाव सासे गोदान फोरोंगिरि, फिजिय, डाइटिसियान, कच आरो बोसोनगिरि थानायखौ फोरमायो आरो बेसोरनि गेजेरजो गोदान सोलोथाय लानायाव मदद मोन्नायखौ गोजोन्नाय फोरमायदो। बे समाव सिन्धुआ प्रकाशजो गावनि फोरोंजानो मोन्नायखौ खाबु गोनां फोरमायो आरो बिथानि आदोब आरो हुदानि सुबुरुनफोरजो गावनि आवगायनायाव हेफाजाब मोन्नायखौ मिथिहोदो। अलिम्पिक गेम्सनि सिगांनो सिन्धुआ 13-18 फेब्रुवारीनि गेजेराव मालएसियाआव जानो गोनां बेडमिन्टन एसिया टीम सेम्पियनसिपआव बाहागो लानानै गिदिबोफिनगोन।

सैफ आन्डार-19 सेम्पियनसिपखौ लानानै दान्थे-बिदान्थे जालायदो

गोदान दिल्ली, 9 फेब्रुवारी: सैफ आन्डार-19 अमेन सेम्पियनसिपआव देरहानायखौ लानानै दान्थे-बिदान्थे जालायनयनि उनाव भारत आरो बांलादेशनि फुटबल हान्जाखौ जुथायै देरहागिरि फोसावनाय जायो। फेनार्लिट शूटआउटआव स्करआ 1-1 जानायनि उनाव मेचखौ टसनि बिथायाव थिरंथा लानाय जादोमोन। जेराव भारतआ टसआव देरहादोमोन। बेनि उनाव बांलादेशनि अन्सायगिरिफोरा थांखिनि सायाव रागा जौंखाडो आरो

अन्थाय-बथलफोरजो स्टेडियामनि गेजेराव खुबैहरनो ह्मो। जायनि जोबथा फिथाइ महरै 1 घन्टासोनि उनाव दरनैबो हादरखौ जुथायै देरहागिरि फोसावनो थिरंथा लायो। बांलादेशआव गेलेनाय फाइनाल मेचआव मोननैबो हान्जाया थिखानाय 90 मिनिटआव 1-1 गलल' सोलायनो हादोमोन। जायनि उनाव थिरंथानि थाखाय फेनार्लिट शूटआउट लानायाबो समानआव थाहैदो। बे समाव गल क्वालिफोरजो लोगोसे मोननैबो हान्जानि गासैबो सा



11 गेलेगिरिफोरा गावसोरनि फेनार्लिट किकखौ गलनि महर होदो। स्करलाइनआ 11-11 आव सौहैनयनि उनाव रेफारिआ फेनार्लिट शूटआउटखौ

टस खालामो, जायनि उनाव भारतआ टसआव देरहानानै रंजानायखौ जागायदोमोन। बेनि उनाव बांलादेशनि अन्सायगिरिफोरा रागा जौंखानै गावसोर लाबोनाय दै बथलफोरखौ खुबैनै रागा जौंखानायनि स्लगान होयो। जायनि उनाव मोननैबो हान्जानि गेलेगिरिफोरखौ रैखाथियै बेंखनआव लांनय जायो। बे आयदानि जेनाखौ नोजोर होनानै अल इन्डिया फुटबल फेडरेशनआ मोननैबो हान्जाखौ देरहागिरि फोसावनो थांखि लायो। जायनि फिथाइ महरै मेच कमिसनारआ 1 घन्टानि उनाव देरहागिरि फोसावो। बांलादेशनि नायगिरिफोरा बेनि सिगां रेफारिनि सायाव रागा जौंखादोमोन। बे देरहानाया अल भारतीय फुटबल फेडरेशननिफ्राय मोनसे गोखौं थिरंथा लाजानाय। जायनि थाखाय फेडरेशननिफ्राय फारनैथिनि जेनाखौ नोजोर होनानै बे थिरंथा लानायखौ फोरमायो। लोगोसे दुर्गामेन्टनि नेमखाथिखौ लाखिनानै थिरंथायाव फेनायखौ फोरमायो।

भरुन कुमारआ एफआइएडस प्र: लीगनिफ्राय बोखार जाबाय

गोदान दिल्ली, 9 फेब्रुवारी: अर्जुन बान्था देरहागिरि भारतीय हकी हान्जानि गेलेगिरि भरुन कुमारआ जिनाहारि खालामनायनि दायव पक्स' आइननि गेजेरजो दाय होजादो। जायनि थाखाय बिथाड धुबनेस्वरआव जानो गोनां एफआइएडस प्र: लीगनि फारिलाइनफ्राय बोखारजादो। बिथानि बे केसआ भरुनखौ गोसोयारि आरो देहायारि थासारिआव गोहोम खोख्लैगासिनो दडहोना अजद होनायनि उनाव 23 बोसोर बैसोनि गेलेगिरिखौ हकी इन्डियाआ जिरायनो सम होदो। बेंगालुरु पुलिसआ भरुननि हेंथायै सासे आइजोआ गावखौ जिनाहारि खालामनायनि अजद



दैंखानायनि उनाव केस रेजिस्टर खालामदोमोन। आइजोआ अजदलाइआव फोरमायनाय बादिब्ला, 2018 आव भरुनजो इनस्टाग्रामनि गेजेरजो सोमोन्दोआव फेनाय समाव गावनि बैसोआ 17 बोसोरमोन आरो बै समाव भरुनआ गावखौ जुलि खालामगोननि रादाइजो गोबां खेब जिनाहारि खालामदोमोन। नाथाय हकी

इन्डियानि आफादगिरि तिकीनो लिरनाय लाइजामआव भरुनआ बेफोर अजदखौ नंखाय आरो राइज्यो सरकारनि गात्रि सोलोयारि खाथि बाहायनायनि अजद होनानै नेवसिगारदो। बे समाव भरुनआ गावनि सायाव आइजोनि नंखाय दाय होनायखौ नेवसिगारनानै बेंगालुरुआव गावनि सायाव नंखाय केस थिसननायखौ

फोरमायो। बेनिफ्राय भरुनआ बे केसजो गावनिफ्राय रं लानो आरो गावनि मान-सन्मानजो लोगोसे सावगाखौ गात्रि खालामनायनि खैसार फोरमायदो। बे समाव भरुनआ प्र: लीग मेचफोरनि थाखाय भारतयारि हान्जाजो धुबनेस्वरआव थानाय समाव बे नंखाय अजदनि सायाव आइन बादियै सेलेन्ज लागोननि खोथा होदो। जायनि उनाव बिथाड गावनि आइनारि मोन्थाय बादियै एकाडेमिनिफ्राय थाबैनो जिनायथ'नायनि लाइजाम लिरदोमोन। तिकीनि अनगायै हौवाफोरनि हान्जानि गाहाइ कच क्रे ग फुल्टन आरो हकी इन्डियानि नेहाथारि भलानाथ सिंहनोबो बिथाड लाइजाम दैथायहरदोमोन।

भारतीय क्रिकेट हान्जानि जेनाया

गोदान दिल्ली, 9 फेब्रुवारी: भारत आरो इंग्लेण्डनि गेजेराव खेब 5 मेचनि टेस्ट सिरिजआ सोलिगासिनो दड। बे सिरिजनि सिगांनि खेबनै मेचआ जोबनायनि उनाव मोननैबो हान्जाया 1-1 स्करआव आवगायनानै दड। भारतीय हान्जाया सिरिजनि सिगांनि खेबनै मेचफोरनि थाखायल' टेस्ट टीमखौ फोसावदोमोन। जायनि थाखाय सिरिजनि आद्रा खेबथाम मेचफोरनि फारिलाइखौ दासिमावबो फोसावनाय जायाखै। बेबादि थासारिआवनो हान्जानि गेजेराव मोनसे गिदिर जेनाया नुजानो ह्मदो। टीमनि गुबुन सासे गेलेगिरिनि जोखोम जानाया सोराडव फेदो। श्रेयस अय्यरनि जोखोम जानाया टीमआव दुखुनि जाहोन जानानै फेदो। जायनि थाखाय बिथाड आद्रा खेबथाम टेस्ट मेचनिफ्राय ओंखारनानो हासिगौ। भारतीय हान्जानि स्टार गेलेगिरि रिबन्ड जाडेजा आरो केएल राहुलआ सिगांनिफ्रायनो जोखोमआव गोल्नैनाय दड। बेबादि थासारिआव अय्यरनि जोखोमआ टीमनि जेनाखौ आरोबाव बाययहोदो। रिपर्टनि बादिब्ला, अय्यरआ बिखुडव सानायनि थाखाय फेगौ सप्ताहआव राजकट टेस्टनिफ्राय ओंखारनो हासिगौ। नेसनेल क्रिकेट एकाडेमिआ बिसिसिआइनो बिथानि फिटनेसनि सायाव फोरमायथि होदो। अय्यरआ थांनय 12 दाननिफ्रायनो बे बादिनो जेनायाव गोल्नैबोदो। बिथाड थांनय बोसोरनि बर्डर गाभास्कार सिरिज जागायनायावबो बाहागो जानो हायाखैमोन। जायनि उनाव मोजां फिटनेसखौ मोनफिनो थाखाय बिथाड सार्जिबो खालामजानांनोमोन। इंग्लेण्डनि हेंथायै थामथि

थामथि टेस्टनि सिगांनो बांफिन्दो



टेस्टआ फेगौ 15 फेब्रुवारीनिफ्राय जागायगोन। बे मेचनि सिगांनो सायख'गिरिफोरा टीमनि फारिलाइखौ फोसावनो हागौ।

रासियानि 16 बोसोर बैसोनि कर्निभाआ मुम्बाइ अपेननि नैथि राउन्डआव श्रीभलीखौ फेजेन्दो

गोदान दिल्ली, 9 फेब्रुवारी: भारतनि टेनिस गेलेगिरि श्रीभली भादिमिपतिआ एल एन्ड टि मुम्बाइ अपेननि नैथि राउन्डनि मेचआव रासियानि 16 बोसोर बैसोनि एल्लाना कर्निभाजो जेन्नांबाय। कर्निभाआ क्रिकेट क्लबाव अफ इन्डिया (सिसिआइ) कमप्लेक्सआव

गेलेनाय 2 घन्टा 25 मिनिटसिम सोलिनय मेचआव श्रीभलीखौ 5-7, 6-4, 6-4 स्करआव फेजेन्नानै क्वार्टर फाइनालाव सौहैबाय। लाटभियानि दर्जाआ फ्रान्सनि अमान्डाइन हेसेखौ 2-6, 6-4, 6-4 स्करआव फेजेन्नानै क्वार्टर फाइनालाव सौहैबाय। त्रैथि मासि मोन्नाय एरिना

डेभिस कापआव भारतआ सुइडेनजो मोगा-मोगि जालायगोन

गोदान दिल्ली, 9 फेब्रुवारी: डेभिस काप 2024 वर्ल्ड ग्रुप-1 प्लेअफआव पाकिस्तानखौ 4-0 स्करआव फेजेन्नयनि उनाव भारतआ सुइडेननि सेलेन्जआव ओंखारसिगोन। डेभिस कापनि डूआ जानानै थांबाय, जेराव भारतनि मुडा सुइडेननि सेलेन्जआव जानानै थाडो। वर्ल्ड ग्रुप-1 नि बादायलायनाया फेगौ सेप्टेम्बर दानआव जाहैगोन। डेभिस कापआव पाकिस्तानखौ फेजेन्नानै वर्ल्ड ग्रुप-1 आव भारतीय हान्जाया गावसोरनि मासिखौ रोखा खालामदो। पाकिस्ताननि हेंथायाव गिबि सानआव भारतआ मोजाडै दिन्धिफुनाय बादि नैथि सानआव खेबनै सिंगेल मेचआव देरहायो आरो मोनसे जावजा मेचआव देरहादो। डेभिस कापआव भारत



आरो सुइडेननि गेजेराव बादायनाया गोजाम जारिमिनारि बेरेखा जानानै दड। दरनैबो हादरनि गेजेराव गिबि टाइआ 1987 नि डेभिस काप फाइनालाव जादोमोन। जेराव सुइडेननि हान्जाया भारतखौ 5-0 स्करआव फेजेन्दोमोन। बे समनिफ्रायनो भारतआ ग्रुप लेभलआव खेबनै फारियै-2000 आरो 2005 आवबो मोगा-मोगि जानो मोन्दोब्लाबो खेबनैआवबो जेन्नांदो। भारतनि हान्जाया क्वालिफाई ग्रुपआव सौहैनो थाखाय फेगौ सेप्टेम्बर दानआव वर्ल्ड ग्रुप-1 जो सेलेन्ज लाखिगोन। वर्ल्ड ग्रुप-

1 नि बादायनाया नख'रआव आरो बाइजोआव मोन 22 हान्जाफोरनि गेजेराव गेलेनाय जागोन। 2024 नि फेब्रुवारी दानआव क्वालिफाई हान्जायाव जेन्नाय मोन 12 हान्जाफोर आरो वर्ल्ड ग्रुप 1 प्लेअफआव मोन 12 देरहागिरिफोरा बेयाव ओंखारगोन। क्वालिफाई ग्रुपआव सुइडेननि हेंथायै मेच देरहाग्रा मोन 12 हान्जाफोरा डेभिस काप फाइनाल गेलेयो। बेयावहाय गासै मोन 16 हान्जाफोर थागोन। क्वालिफाई ग्रुपनिफ्राय मोन 12, मोननै वाइल्ड कार्ड टीमफोर आरो मोननै हान्जाया थांनय बोसोरनि

एम्बापेनि मददजो पिएसजिआ फ्रेन्स कापनि क्वार्टर फाइनालाव सौहैबाय

पेरिस, 9 फेब्रुवारी: फ्रान्सनि स्टार बलार किलियन एम्बापेआ फिन खेबसेबाव गावनि क्लब पेरिस सेन्ट जार्मेन (पिएसजि) नि देरहानायाव मख'जाथाव बिहोमा होदो। ब्रेस्टनि हेंथायै 3-1 गल स्करआव देरहाहोनायाव बिहोमा होनायनि अनगायै हान्जाखौ बिथाडा क्वार्टर फाइनालावबो सौहैहोदो। बे देरहानायजो पिएसजिआ खेबसेबो जेनालासे गावसोरनि देरहानाय अभियानखौ खेब 15 मेचसिम आवगायहोदो। बे मेचआव एम्बापेआ सोलिफु सिजनआव पिएसजिनि थाखाय 30 थि गल सोनो हादो। थांनय सप्ताहनि जोबनायथि बिथाड क्लबनि थाखाय लीग 1 नि गावनि 19 थि मेचआव 20 थि गल सोदोमोन। रिपर्टनि बादिब्ला, एम्बापेआ गासै खेब 28 फ्रेन्स कापनि मेचआव 50 गल स्करिआव मुं लाखिदो।



जायनि फारिआव बिथाड 35 गल सोनायनि अनगायै 15 गलआव हेफाजाब होदो। फ्रेन्स कापनि जोबथा खेबब्रे मेचफोराव एम्बापेआ 11 गल सोदो। पिएसजिआ सेम्पियन्स लीगआव रियेल सिसिडाइनि हेंथायै फेगौ सप्ताहनि जोबथा 16 नि मेचनि सिगां मोनसे गोखौं हान्जा महरै बाहागो लागोन। बे मेचआव ब्रेस्टआ मोजाडै गेलेनायजो जागायनानै 34 मिनिटसिम दबथायदोमोन। नाथाय एम्बापेआ 34 थि मिनिटआव बेरेखा बादायारि

हान्जानि डिपेन्सखौ सिफायदोमोन। जिरायथ'नायनि सिगां पिएसजिआ 3-0 स्करआव सिगांलानो खाबु मोन्दोमोन। नाथाय एम्बापेनि गल जोसनाया बे समाव फेलें जादो। नैथि हाफआव ब्रेस्टनि हान्जाया आवगायफिन्दोमोन आरो 65 थि मिनिटआव स्टीभ मनीनि गलजो 1-2 स्करआव आवगायफिन्दो। जोबनायथि गन्जाल' रामसआ पिएसजिनि थाखाय गल सोनानै 3-1 स्करआव आवगायहोदो आरो बे स्करजोनो टीमआ देरहाहोदो।

आइसिसि टुर्नामेन्टनि फाइनालआ बोसोरसेनि गेजेरावनो थामथि खेब भारत आरो अस्ट्रेलियानि गेजेराव जागोन

गोदान दिल्ली, 9 फेब्रुवारी: भारत आरो अस्ट्रेलियानि गेजेराव आन्डार-19 वर्ल्ड कापनि जोबथा मेचआर रिबबारआव जागोन। अस्ट्रेलियानि क्रिकेट हान्जाया गावसोरनि सेमिफाइनाल मेचआव पाकिस्तानखौ फेजेन्दो। बे टुर्नामेन्टनि समाव भारत आरो अस्ट्रेलियानि हान्जाया खेबसेबो मेचआवनो जेनाखै। बेबादि थासारिआव अन्सायगिरिफोरा फाइनालाव मोननै टीमनि बादायनायखौ नायनो लुबैगोन। दरनै हादरनि



हान्जानि गेजेराव बोसोरसेनिबो बाडाइसिन समनि गेजेराव क्रिकेटनि फोथारआव गोखौं बादायारि महरै सेलेन्जआव फेगोन। मानोना मोननै हान्जानि गेजेराव फारियै थामथि खेब

थासारिआव अन्सायगिरिफोरनि थाखाय भारतनि दिन्धिफुनाया मोनसे जर'खा जायगा लादो। आन्डार-19 वर्ल्ड काप फाइनालनि सिगां डब्लिउटिसिनि फाइनालआ थांनय बोसोरनि जुन दानआव भारत-अस्ट्रेलियानि बैसो गोर हान्जानि गेजेराव जानानै थादो। बे समनि उनाव नभेम्बर दानआव वन्डे वर्ल्ड कापनि फाइनालआबो मोननै हान्जानि गेजेरावनो जानानै थाडो। नाथाय भारतनि हान्जाया बे मोननै टुर्नामेन्टनि फाइनालावबो जेन्नांदोमोन। बेनि थाखाय भारतीय हान्जानिसिम अन्सायगिरिफोरा फिन खेबसेबाव मिजिथि लाखिदो। बेनि सिगां 2012 आरो 2018 आल बेसोर मोननै हान्जानि गेजेराव वर्ल्ड कापनि फाइनालाव खेबनै बादायखांबाय। जायनि खेबनैबो बिमु'खौ भारतआ देरहादोमोन।



रडियनभा आरो बाथि मासि मोनय लौडा पिगसीआ सिंगेल बादायलायनायनिफ्राय जायखारनानेबाय। जावजाआव भारतनि सहजा यमलापल्ली आरो भेषणभी अडकारनि जराआ नैथि मासि मोनय सभरिना सान्तामारिया आरो डेलिला जाकुमभिकजो 3-6, 6-7 स्करआव जेन्नांदो।